

頗宜茨室日記四冊

小竹遺墨
光緒廿六年庚子正月
之
十
月
半

溫州府



午刻訪家毓卿邀予填其子乃容姓名附入西北學堂肄業
即時往薛仲渠家填之而柶兒亦附焉閱中外日報宵就
寢頗早

初六日丁卯大晴朝閱中外日報過管杏浦家一談夕全僕登
萬松山謁先高高祖墓過萬松寺小憩遇蔣滌泉中筆雨
泉三先生暨其子侄彤侯友龍諸門人亦為展墓而來迨下
山夕陽西沈矣宵李韞齋表兄來

初七日戊辰大晴朝家毓卿來談頃去偕柶兒一僕登九壇出
謁二世祖十世祖暨先曾祖墓過山人謝學銀家小坐未
刻歸家潘震炯來賀年不及過訪孫中愷公子與延曙坐

00224

論至暮宵過姝家歸閱中外日報

初八日己未大晴晨全李蔚文表侄鄭一山兄乘舟往仙峽周

鹿峯表兄處賀年小坐轉過汀川張震軒妹丈處賀節是

日丁田會市迎神其神為陳司徒一為姜元帥其出處不可稽考頗覺熱鬧夕全山兄蔚文

過前林後李二宮觀劇余以明日開館申後遂偕山兄駕舟

而返蔚文則獨留馬宵初亮火盆邑舊俗也他處不然閱中外日報

初九日庚午大晴早晨許和村表兄來謂德寓以日子不合另

擇良辰上館已刻開館孫中愷季芃二公子率其弟姪拜師

計受業者葉芟汀孫德鴻延春延智延暉延果共六人午刻

設席張蔚文蔚先生來陪席宵田高升叔李蘊齋表兄來談

至二鼓去

初十日辛未大晴晨訪吳伯屏借來初學津梁三冊為教授

蒙童課本此書蓋伯屏所手輯也入館袖英洋五元付孫李

芃轉託項渭臣定購新民叢報計全年共廿四冊夕與李

芃閒語頗久宵月色大佳約李釋菊往莘塍看燈遊玩不

果家毓卿來談至更深而去

十一日壬申辰雨已晴日有紅色入館午刻潘震炯來謂吾室

無人伴讀本年擬以聚星書院為安硯之所余曰可矣宵初

過李玉君表弟家舅母留予解說釋迦如來出處圖本

共四冊描繪甚工卷首有唐王勃駢體序言釋迦即西

藏淨飯王太子名悉達其誕生之日在周昭王二十四年甲寅
四月八日也今所謂放生日益本此矣

十二日酉陰旋晴雨水節在館錄蒙學津梁課本凡例嘗
在舅母處演說如來圖本

十三日戌甲大晴朝入館楊志齡孫中愷季芹延曙來作半
日談午刻過山兄處夕錄蒙學津梁識字門宵明蟾皎
潔全周曉秋眉仙饒翼臣姜嶽仙洪中英在管杏浦處
酌議蒙學開館章程饒君主稿至四鼓步月而歸

十四日亥乙大晴晨過杜茂珍處為其子欲從一山退學竟
不允囑渠更作斟酌入館錄蒙學津梁識字門夕作筆

記一通宵月色如銀十分皎潔全季蘊齋遊玩各宮殿以
明日上元節屈懸綵放燈行人往來絡繹不絕堪為寓目
也歸寫祭忠烈武毅侯祝文

十五日子丙大晴朝許祀村表兄率其子德窩來上館午刻
訪吳伯屏薛仲渠旋至館薄暮謁洪棟園夫子為受李
友樵內弟之託因客臘與陳福瀾口角結訟請棟師排解
息事也是日二女弟歸甯宵初作伴往陶尖廟觀劇

十六日丑丁大晴天氣和暖在館葉耕經過館攜來舊冬脯
金英洋二圓愛之薄暮震軒妹丈自丁田至宵季彬臣表
兄招軒兄飲余亦在座酒闌全往陶尖殿觀劇

十七日戊寅朝雨天氣_滄悶訪管杏浦不值入館董蘭垞袖來
日本小學教育制度一冊遊學指南一冊係黃仲復學士自鄂
攜歸分贈各隅蒙學教習者也囑余代致之午刻李雲苓
表弟招軒兄飲余亦在焉夕陰孫中愷公子代購來澄衷
蒙學堂字課圖說共八冊價洋壹元六角德窩不到館宵
霽在麗生表弟家小飲更闌全去觀劇是夜陶尖廟所
演戲本係余點演正目循環報副目訊刺客紅桃山蕩
河船共三齣

十八日己卯大晴頗熱晨訪管杏浦袖黃學士所贈書予之
入館近午孫仲愷來譚片頃午刻李玉君表弟招震軒飲

余亦隨之遇潘雲生談良久仍迴館宵在穉菊表弟處
小酌歸主君星華薛君博如仲冕來訪軒兄為河鄉同人
邀集出名備稟欲改聚星書院為鄉學堂也

十九日庚辰晨微雨欲偕杜茂珍往隔岸石碣門改札家田

不果已刻天霽入館終日靜坐薄暮震軒乘舟歸宵

初蔡作來過訪謂舊歲皇上有裁汰書吏之詔近日盛

大令始奉上憲札矣舉行此事總計舊額書辦清書共

壹百肆拾名今六房惟留正副各一人清書各二人此外都

為裁去余家祖遺禮書房缺前托王姓出名代辦無如王

玉卿為戶書寫之副一處不能兼攝乏人頂替適在裁列也即

時過其家一閱李聲玉在焉

李君有保甲房缺近亦歸刑玉卿房二人相叙不啻同病相憐也

囑余倩人往庫書薛松如處托附一清書之名或者其無虞乎余領之而出便往管杏浦處一譚遇饒翼臣姜嶽仙周眉仙吳伯屏坐議學堂事頗久聞伯屏與松如交最密故以裁缺事托渠明日代為轉圜也

二十日^辛大晴朝訪葉壽如姻丈因裁缺事托渠選刑書黃偉齋先生代為調排入館沉悶終日宵過西北學堂全周曉秋姜嶽仙饒翼臣諸君酌議明晨開塾之事復為梅兒附入肄業計正副教習共七人正管杏浦吳伯屏副李彬臣金鍊百周眉仙薛仲渠官話教習則請饒君也

廿一日

^壬

大晴晨刻西北蒙學開館分左右兩齋計受業者四十八名余偕姜嶽仙率領諸徒謁神拜師至午始歸

潘震炯來上館申刻蔡作來過訪謂我家禮書房缺須補清書一名始可出應公事否則恐狡詐者乘隙以相爭也余

是其言即時過葉壽如姻丈處邀黃偉齋先生來挽渠向

縣署大為周旋偉齋云須用吾邑紳士之有聲望者名片送署方得進言適門人季芄至囑其向中容先生借光不允

轉向中愷公子索借愷兄聞信即至共坐談論必須舉附己名乃為妥善即取林紀東名以附之噫世路險巇人心

變幻生乎斯世幾如巢幕之鳥惴惴滋懼焉耳所賴良

友力為扶持中心愛之何日其忘之乎宵初在蒙學堂
飲開館酒計二席至二鼓始散

廿二日癸未天早微雨盛邑尊以天晴日久乾種減色設壇請
各社神祈雨余與同社諸君送惠祐聖王至東郭殿拈香
片時歸朝餐後訪黃偉齋探昨晚舉名頂缺消息謂已
為添在備用清書列矣卯簿仍照舊章君家可無慮也
心甚德之因憶昨日家慈為此事往陶尖廟祈籤其正
第七云飄泊江湖不記秋一場好事變成憂今朝幸遇陰
人貴須免將身逐浪流其覆第卅一云淡泊生涯過一生
只宜守舊待通亨蟄龍終有騰雲日一旦風雲便改更

讀此二籤神固見之早已又過葉壽如丈處一談始入館錄
蒙學津梁識字門午刻訪王玉卿聞玉卿夫人一索得男并
為道賀宵霽閱中外日報

廿三日甲申晴晨訪李芸苓表弟已刻入館午後省委郝毓椿
大令暨盛蔚堂邑尊來驗倉穀余邀蔡逸仲管杏浦姜嶽

仙接官不及俟遂回館宵過王玉卿處一談歸閱中外日報
廿四日乙酉晴在館為延春議定課程表午後全華蘊齋稱
菊過縣署看盛令點驗吏役余新附清書之名在列心始寬
焉宵冷風大作雨點丁丁敲簷有聲挑燈閱中外日報

廿五日丙戌晴霽全杜茂珍乘渡船過飛雲江至十五都石

碣門鄭增榮叔伊尸陳友珍家酌議轉札馮志高舊種之
田增榮留午飯日過晡茂珍往滙頭村探親余一人而行友
珍送至衙衙亭邊而去遇東山中埠堂姑夫同舟共渡談及
睽隔數年其妻舅茂祺近蹈流落江湖之跡恐我丈人必至
為若教氏餒也深惜余前事枉勞心力不啻付諸東流而已
未幾抵岸拱手而別中途適與品蓮和尚相遭薄暮過西
北學堂時諸教習率各生徒習禮為明日謁聖之計三隅學堂皆於
星期停課一日惟我西北則以丁日停課舉動頗中節宵初過薛玉坡管杏浦處坐
話良久歸見高天有黑氣亘天濶如匹布自東北直至西
南閱一時許始散未知是何祥異也其夜寅刻為周榴仙令

即毓懋發蒙迨回家就寢雞聲唱曙矣

廿六日丁亥雨旋陰先君忌日辰刻普通學堂開館門人許德

寓往學洋文我西北蒙養學堂舉行釋菜禮諸教習率各學
徒詣先師位前拜謁余亦隨班叩首已刻入館王質甫來
因受家左髓欲余補足捐數之托午刻偕往其家一詢虛實
時左髓檢點行裝將應申江送報主筆之聘并囑宋魁捐
款代為催繳談頃出寄學速成法一冊以贈張震軒妹丈
自丁田至留午餐往周榴仙家飲發蒙酒席散匆匆入館
已申刻矣軒兄駕舟返宵閱中外日報

廿七日子陰旋晴驚蟄節出館課題踐破吳論付潘震

炯入館閱中外日報午刻佃戶陳友珍來訂馮姓所退之田
轉札於渠耕種夕為德鴻酌定課程表宵訪蔡作來過田
高升家一談時高升抱恙在床飲食不如意托余明日邀
李祥菊來診歸閱報

廿八日_丑朝陰在館作控盜呈詞午刻自下筆抄之托蔡
作來投遞佃戶林阿有來夕雨入館欲錄蒙學津梁識字
門因夾影字格失落未及抄薄暮吳伯屏過訪宵初訪
一山兄談頃歸閱中外日報

廿九日_寅陰雨朝在館改延春按日小課夕錄蒙學津梁
識字門申刻丁田震軒妹丈遣舟子邀余與李祥菊同往

以宸甥前日傷風未愈故也作數語以覆之而祥菊獨往
薄暮過玉君表弟家一譚閱中外日報

三十日_卯陰旋晴在館錄蒙學津梁識字門薄暮訪許
稚村表兄宵寫祭文昌君分肉票

二月朔日_壬晨刻微雨偕同社諸君往東郭殿迎惠祐聖

王鸞輿回已入館改潘震炯課卷夕閱中外日報宵閱報
初二日_癸朝陰遣杜茂珍到南岸囑托十五都地保林三
東向馮志士一說將田退還如其不願當即鳴官提辦後
悔莫及也邵安送到中東甄別題

生讀孔子世家策題
問奉西學校章程條分縷析約而言之小學優則升中學中學優則升大
學大學優則授官蓋以大學為究竟實以小學為根基也查西國小學即

中國村學中國大興學校非先整頓村學不可應如何明定課程參訪酌中西切近可行俾各村師有所率循諸生其各陳所見毋違毋畧 訪鄭一山約與合作在館閱史記孔子世家夕雨不到館居家成論一篇宵寫祭文昌帝君祝文作策一道至四鼓始脫稿又成生論一藝代一山兄作也是夜大雨五鼓宵僚致祝文昌余家值辦選伍寶滋表弟到殿代為調排豆品初三日甲大晴日有暈文昌誕日黑早袖所作托一山一抄改潘震炯中東課卷晨餐後震炯歸已入館王質甫來謂黃學師傳單已發本日想遣人到李處矣夕閱中外日報薄暮訪山兄袖原草還課卷早付邵安寄郡宵倦早眠

初四日未大晴在館山人梁阿金來謂靜山以余舊歲將上坎衆產改佃轉札與渠妾生枝節薄言來想不禁深有憾焉宵遯家毓卿桐昌諸人向族蠡靜山一言倘再不思全族情誼必將舉前舞弊之事極力鳴攻悔恐晚矣坐談至二鼓李雲苓至

初五日甲大晴熱甚早起整頓櫛兒破壞書本入館午刻至蒙學堂一坐夕德窩不到館宵二鼓後僭僕携衣冠往學署至四鼓學師致祭至聖先代余派分獻執事祭畢看文武官僚祭奠先師樂器陳列八音鏘和令人聽之不禁起敬天曙始歸

初六日丁酉大晴甚熱朝往西北蒙學堂看諸徒習禮謁

聖舉動頗中節饒翼臣坐講堂演說忠孝等事入館午刻

寫祭關帝正分獻官員榜仍回館宵訪王玉卿過田高升

叔處一問喜其積疾近就痊也

初七日戊戌朝雨在館出課題曹操奉帝東遷都許論伍梅荃全王質甫

來滙加捐款午刻寫仲春祭關帝頒胙票王質甫至謂補

廩批迴今日遞到矣其開支以公文到日為始即客秋八月

十七日也夕霽入館接到孫季凡自上洋寄來新民叢報共

二冊此書體例甚精洵四千年來未有之奇書也薄暮過

王文處看迴文宵過玉君表弟家一譚頃之歸寫仲春祭

武帝文是夜邀伍寶滋表弟往關帝廟代為陳設豆品

初八日己亥朝晴在館卓午鄭寶英自南岸來謂余改佃

轉札之事何多懦也約以明日過江申刻始聞雷聲閱中

外日報宵初大雨旋霽見月

初九日庚子朝晴旋陰有霧偕杜茂珍往南岸石碣門邊地

保林三東喚馮志士來令其退札仍不允即托寶瑛友珍二

人叱犢將田一耕以免霸種者別生枝節友珍留午餐申

刻過渡歸宵過鄭一山李王君處一譚轉至鶴坡舅父

家問安而返閱中外日報

初十日辛丑晴在館改潘震炯課卷薄暮過鄭一山處聞

玉尺官課已出題策問

問中國亟圖富強卒鮮收效憤時嫉俗之士每慨手言之而終難補救者何也中國人心不一

議論不齊雖有良法或格不能行即行之而未能盡善其弊一也欲挽積重之勢者非全力以變之不可而中國憚于改作畏難苟安其弊二也凡事欲去弊必探其源中國明知有弊且其人非作弊不能以自存而日責以去弊率皆掩耳盜鈴其弊三也今欲統籌全局如造屋然非將材木盡行毀折重新布置且秩然井然斷難改觀其要在先澄官吏將內外大小衙署局所應得之款澈底清查此私為公然後勻給官俸予以厚祿冗者裁之渙者一之其他幕友下胥無一不然再有作弊立置重典此為先建圖治之基入手第一要着次則學堂要矣而試問中國之不如西人者以兵政財政二者為最先其所急當知從事至于學堂興則科舉宜漸廢以_{其途西學}精則中學自能存以固其本不先取應急之人材以救危亡而徒拘泥經史終蹈空談西人每譏中國奏章文牘皆絕好一篇底本而皆能言不能行即是故也次則合羣之法當師西人中國議院一時斷不能興而商政農政與各學問西人皆有公會有公公用能聯絡出其大力以伸於地球其意可倣倣推行也總之中國圖治不盡于此而數者似為先務之急爾諸生各懷忠愛講求有素其各自抒得暢陳所見以資採擇焉

論

論題中國加稅免釐洋失

十一日寅晴在館閱時務報首二三冊欲作玉尺官課策

而未果地保林三東佃戶陳友珍鄭寶瑛來茶話間謂馮志士之田願退懇余將舊所欠之租少為扣除杜茂珍從旁裁決耕本定英洋十四元還之原扎大錢十宵閱中外日報

十二日卯春分節朝晴在館改潘震炯玉尺官課卷夕陰

晦大雷雨作玉尺官課策成數行字宵閱時務報第四五冊十三日甲辰早晨雷雨旋霽在館午刻十五都地保林三東陳友珍鄭寶英來將馮姓原札暨耕本存銀取去寫仲

春祭文昌帝君執事榜夕張震軒妹丈過館謂近日鄉學堂創辦未就以南北鄉紳士各立門戶并指軒兄首為作俑也其中人士黃寶書朱子芬竺雅周錢曉六最狡

黠餘亦新舊中立惟潘雲生薛仲冕王星華約可同心黃
仲攷學士孫中頌主政寄有二函解勸北鄉士人計二千餘
字語頗激烈最足動人無如聽我藐藐而已噫中國人民
凡作一事如搏散沙且多自立門戶見鄙外人何怪其然
談至日暮始返舟宵初過一山家談至二鼓是日震炯歸
十四日_乙早晨雷雨頃止寫分胙票在館作玉尺官課策
未完篇宵寫祭文昌帝祝文是夜祭祀邀伍寶滋表弟
到廟陳設豆品

十五日_丙朝陰在館作玉尺官課策始完篇夕雷雨宵邊
許君寶錢抄玉尺卷渠促余作論一篇湊就全卷

十六日_丁陰雨朝門斗郭壑來開補廩喜報鄭緝甫過
訪十五都地保林三東來說札田事夕收延春按日小課
宵過毓卿弟田高升亦處一譚

十七日_戊朝雨在館閱漢書藝文志翁註困學紀聞
夕陰閱管子延春在家聽瞽人唱詞不到館孫中愷公
子過談至暮宵欲作孝廉堂道課
題漢書藝文志列管
子於道家說
未果此次甄別係童觀察所課也

十八日_己朝細雨在館夕陰作孝廉堂課至暮始脫稿
中間嫌有未明白處至夜挑燈改之

十九日_庚晴朝在館伍梅荃過訪夕作整頓温州茶務

條議自日至夜共議九條因限期太促暫為完篇夜深一
山至取昨所作說一篇去抄之

二十日辛亥朝細雨旋晴一山來取條議去在館閱拳匪百

咏夕成七古一首至申後脫稿鄭峻甫老伯來催不及潤

色勉強交付抄繳宵初過一山處一譚歸作府中學堂課

題得士則重
失士則輕論至夜未就聞是年中東兩書院暨肄經堂膏伙

諸項撥為中學堂經費惟中東一年加道府縣各二課合

成十二課師課四課留膏火銀五十千作賞費至官課花

紅給賞皆由於官肄經堂則停其課果如是改舊圖新

實事求是儒風丕振獲益良多已是日門斗郭整來

因余補廩開報各處宮廟

閱拳匪紀事慨繫以詩

我聞齊東皆野語道聽失實無機杼我讀南墟紀聞編

因時感事心黯然古今成敗都如此有筆有書成國

史書生每抱杞人憂立言已得風人旨往年烽火警京

津銅馬赤眉慘殺人中涓跋扈十常侍猖狂引盜拜黃

巾叢祠鬼火狐鳴日八卦之教皆幻術自謂符籙受神

仙焚表登壇羣屈膝可憐荆棘埋銅駝完好金甌奈缺

何禍種皆由強藩伏憾却倒持劍太阿千古權奸都誤

國倉卒變生罹不測一時蛇豕鬪幽并津沽烟水春無

色文物繁華一旦傾宮殿翻成劫敵營開門揖盜誰之
咎沿途婦孺半死兵六飛宛轉巴西道故宮蕪沒悲青
草安史寇亂今見之櫬棺孰為一朝掃東京佐原篤介
君心感中原煽楚氛隨時證事皆紀實例以春秋經傳
文評大神州新變局秉鈞貽誤竟招辱唇亡齒寒不忍
言此篇即是劫灰錄吾今披閱心徬徨大傷國事如蠲
塘元凶已誅黨惡殄補牢猶足收亡羊有志竟成奇男
子嘗膽卧薪能雪恥十年生聚終沼吳憂患者生安樂死
廿一日壬朝雨在館成府課論上下二篇午刻遣僕送一山
抄之山兄謂余所作下篇語甚含蓄與渠作有奴婢夫

人之別心大不然其言借姜嶽仙往管丹三處祭拜其
夫人金氏是日適六七期也為伊侄壻林勉秋真祭留
飲項調甫程石仙在焉夕陰改潘震炯中東卷併延春
遂日小課宵大風甚寒閱春在堂集中銀瓶徵

廿二日癸丑雨晨雷在館改延春遂日小課午刻郭壻來代
余開報大小各宗祠夕為延智杲暉兄弟寫課字夾影紙
宵過鄭一山家一譚歸彙清報廩各親友單

廿三日甲寅晴晨刻往章子貞家為其令祖雲峯太老伯
送葬已刻往朱漢鈐家為其尊人寅谷先生送葬夕入
館看各國地球新錄此書為李圭小池所著薄暮過一

山家因近日許德窩不到館有一暴十寒之象倩山兄代
余向柘村訴之聞渠私入普通學堂魚學中西文字本年
既從余學又去而之他何其大不近情作此舉者將欺余
無能手抑亦速於求成乎坐談良久悻悻而返

廿四日卯朝天晦雷電大雨滂沱在館葉蘭垞向孫中愷
公子處購來李鴻章一冊係飲冰室主人所著本中論
合肥相國生平事實甚詳玩作者之意若不專為李相
發也議論頗覺平允薄暮過庫書薛松樵家取春祭領
欸談頃歸宵初訪山兄謂今日德窩仍不到館托渠再
向其父兄說之

廿五日丙辰陰霾几席間鋪塵頗厚即謂落沙天也許德

窩到館讀書張震軒妹丈來謂其族弟蘊石為岳家顧
姓遺有架書房缺以孤兒寡婦不能出名應公特托壻
為之代庖蘊石困于六博不免飽入私囊致使官數積欠
頗鉅邑尊出票捉追竟管押眾困渠為膠庠中人何至
受辱若此且房缺係顧之名不干張姓聞此事因書吏
葉慕青讒間而成之也欲於明日約眾公會明倫堂商
議以伸士氣噫士可殺斷不可辱世風澆薄夫復何言
薄暮軒兄返權宵閱中外日報

廿六日丁酉雨朝在館閱中外日報夕故延春逐日小課德

寫來宵閱報數頁

廿七日戊午寒食節朝雨在館改潘震炯課卷夕陰偕族
侄桐昌登內外九壇山祭掃二世十世祖暨先曾祖墓至
晚始下山宵邊族人飲上攻酒

廿八日己未晴清明節舊例每遇族中或入泮或食餼或
發解議拔祠衆一年是年余適補廩例應拔衆田產設
饌祭祖攜柶柶三兒至大宗祠祭謁設筵三席銅乾
長輩均赴席計在座者共二十七人席散過明倫堂一
坐張秋門姻丈程石仙池仲鱗在焉聞蘊石管押之事
同人近遷胡蓉村進士出為排解公項宜繳而罰戲酒

服禮者則歸諸葉慕青也此事頗有頭緒但未成議而
已震軒妹丈携秀綿甥女自丁田來宵在燈幔下散步
往聚星茶會店小坐遇陳丹卿張選闈包雨臣林伯鱗暢
談至三鼓

廿九日庚申晴城隍神出巡安方携甥女秀縣在神前裝
扮罪人鄉俗凡人家老幼無論身遇沈疴或櫻小疾即時虔
備香燭向城隍神前告許罪犯三年以便消災獲福宵在燈幔

下遊行過余文一紙鋪遇家鑑亭先生余味蘭吳丹臣與
周榴仙往小沙堤觀劇

三月朔日辛酉晴朝李友樵內弟來夕全洪蔽廷小峯昆

仲一山友樵至後垺遊玩是日為漢安鄉侯出巡排駕親

往周忬省墓故一村行客頗多者新吉陞班演劇優孟衣冠曲為逼肖中間為梨園子弟者半屬少年也轉過小沙堤觀劇以彼較此信乎後來居上日晚興盡而返宵初携秀女綿甥女在燈幔下散步至三鼓

初二日壬戌天早大風旋雨聞雷朝霽閱中外日報夕寫祭

先農分肉票宵手書祭神農氏厲山氏后稷氏祝文是夜雨

初三日癸亥雨祖母生辰設祭卓午郡城鄭老海送到中學

堂縣課題日并卷

房杜王魏優劣論 問中國理財之法先宜振興商務究竟如何開源節流試詳言之

夕閱修史試筆宵初王質甫邀余拜見黃炳華文升學

師為林君仲彝透支舊歲廩俸縣令移檄請為追還

學師有字遞來囑余將滙廩款下一扣以故進見請婉商之坐久乃出看經訓書院課藝

初四日甲子陰朝在家作論至午晚彙夕携秀縣甥女在

城隍神前裝扮罪人宵閱格致書院課藝作理財答

問困倦殆甚夜漏頻催祇成半篇就寢村雞唱曉矣

初五日乙丑陰疎雨朝在家湊成夜作之策下半篇夕改潘

震炯中東卷林仲彝遣其妻舅朱姓人來取滙廩之款余

以學師囑扣未便下手約以向晚付楚其人終未之允余

入內不顧而去代一山作策一道即前題也渠代余抄卷

薄暮寄郡震軒妹丈自丁田至宵初全軒兄在燈幔下

散步與一山遇過余松枋家一坐歸而朱某又至堅執前
言不許分毫短少余甚惡之言語相侵渠竟罵詈而去
後伯麟來勸始得全數付之

計英洋七十元

噫銀錢之誤人

如此也諺曰朋友為財傷情信夫

初六日丙寅晴是日城隍神清迎過趙羽儀妹丈家一譚攜
甥女在神前裝扮罪人相棒兩兒相隨而行至暮始歸

宵倦早眠

初七日卯丁陰朝全震軒羽儀二妹丈坐話近午軒兄駕
舟去夕閱中外日報薄暮微雨宵霽有月過李鶴坡
舅父處問疾歸閱家藏名人手札

初八日戊辰晴旋陰朝入館孫仲愷公子過訪改潘震炯課
卷夕改延春逐日小課宵雨陳耀君遣伴來乞假褚河南
聖教序一枝以此帖破蝕殆甚却之周眉仙過舍邀余往

薛玉坡家酌議學堂經費姜嶽仙周曉秋在焉

初九日己卯朝雨夕陰在館許德窩來讀書葉奇願隨黃

學士仲攷先生往楚北省問岳父母

謂家若川在湖北為
槍炮局總辦成七言

四絕以誌別宵為潘震炯說經世文續編交涉論

初十日庚午朝雨在館德窩不至午後歸聞盛大令是用

催葬甚嚴無論紳士平民都限以今日為止有不準令者

隨即雇人載諸寄園

寄園在西門外以
停無主之棺者

沿途婦女哭聲不絕且

所佳之人藉彼扛棺恒挾官勢狂如狼虎不可鄉邇負
苦人家厝葬無財難于進退良足悲已余家次第遺
柩亦停頓荒野計首尾共十三年聞聲之下心如刀割正議遣人
別為停寄喜得同姓楠來託渠明日雇三四人暫停
於祖山之陽以免遭逼夕入館以葉奇願定今宵啓行
錄四絕句贈之而程儀不受壁還季芄過談奇願亦來
辭別薄暮過葉壽如丈為其令嗣送行宵中心沈悶無聊
之極早眠終夜雷雨不止

葉生奇願時有楚北之行為成四絕句用以誌別兼
以勉之

學派龍泉衍永嘉清芬祖德屬君家平生志願儲滄海
見小真噴井底蛙奇願自謂吾人事業須如曾左諸公方不負平生所
直井底蛙耳

客星光附月輪明卿月懸空一鏡迎黃學士仲殺先生時受鄧
督張孝達尚書主講兩湖
書院之聘奇願為學
士甥婿故隨之行此去荆襄多傑士觀摩深賴有陶成

白羊黃鵠畫中收高士當年紀勝遊揚子江邊春柳綠
迢迢烟水送輕舟

聚首年來寄浩筏奇願自署其
樓曰浩筏談經每喜解心疑遊行猶
有新吟句願許頻傳尺素知

十一日辛雷雨日暫見早晨邊北門外人肩扶仲弟之柩

暫停於祖父新墻之側余冒雨送行但見北郊路畔皆被
迫棺木密如比櫛好不慘人也昔西伯行仁澤及枯骨為
民父母胡不思之夕張震軒妹丈來邀改閱近作詩縣
署聽差至謂本日忌辰因王玉卿往南岸驗視倉穀其徒
蔡紫生身患感風失於送單呈閱致激縣主之怒門政招
余去自思於禮有未合囑其善為我辭可矣然此事如何
實難預定中心不免擔憂也李鶴坡舅父過舍喜其宿
恙已愈薄暮訪鄭一山宵悶坐頗久

十二日壬申霧晴終日在館改許德窩課卷延春逐日小
課宵見月有暈氣攜甥女綿女秀兒柶榭到陶尖殿
前觀迎燈是夕為城隍神遊幔期也

十三日酉癸晴東家有喜事不到館午刻趙湖州都戎雲
發葬其夫人葉氏邀余仝周曉秋作贊襄也成孝廉堂師

課論一篇題項羽拿破崙第一優劣論宵初過玉君表弟家轉過趙羽儀

妹丈處坐話至三漏

十四日戌甲疎雨日暫見穀雨節朝在館夕成論一篇題

讀墨子薄暮漱芳過訪談及其仲兄在外流蕩忘返耗

費銀錢壞盡家規不堪言狀宵月有暈仝鄭一山往小

沙堤觀平邑竹馬歌班園中子弟多屬幼童舉止從容

惟妙惟肖其時人如排牆擁擠不安一山落後相失不

遇獨步而返

十五日起晴疎雨朝在館孫君中愷代購中國文明小

史萬國憲法志各一冊夕作孝廉堂師課策

題詞華米
口洋鹽進口

大礙中國生計欲至三鼓祇成半篇是夜丑刻月食計十二分

十六日丙子晴天氣熱甚朝在館成策問下半篇夕改震烟

玉尺師課卷是夜城隍神返駕回宮全秀縣甥女在神前

拈香至二鼓過李西垣岳丈家遇葉雲村與漱芳內弟全去

大街遊玩漏聲三下始歸

十七日丁丑晴旋陰早晨為李少樵祥慶夫子送葬李師是

余受業入洋師也遇洪棟園師談及張燮鈞亨嘉文宗定

本月十八日出棚考試先臨台州温係第二計臨温之期大

約四月望前矣終日作孝廉堂府課題謹選左右慎擇所使論
本旨出王吉傳

延曙代余購來泰西新史攬要共八冊宵續就日間所作藝

十八日戊寅晴朝在館德窩來夕軒兄過館延曙繼至話到

日暮宵初訪鄭一山相邀去學前看平邑竹馬歌班時則

人山人海排立如牆余以身材短小不得駐足縱觀辭歸

而山兄獨留過玉君表弟處與舅母坐談片頃而回

十九日己卯微雨朝在館德窩來午後往陳紫峯琛表甥

處為外姊張孺人送葬軒兄在焉孺人係震軒之姊俟

至申刻始發紉乃歸潤色前日所作論宵初一山來袖去

十六丙子望
浙江杭州府月食十三分四分
初虧丑初初刻十四分
食既丑正一刻八分
食甚寅初初刻七分
復圓卯初初刻一分

抄之閱泰西新史攬要其夜丑刻大雷雨

二十日庚辰雨早辰訪王玉卿入館作孝廉堂策

題問中國挽回利權當以

何者近午脫稿午刻過庫書薛松如先生家取祭款付來

英妹十二翼至妹家一坐袖策文交一山抄之夕為門人延智

延果延暉抄識字課本改延春逐日小課薄暮訪孫中愷

兄袖交軒兄購書之洋坐談至暮過王學書質甫處全去

謁黃炳華學師談及考期已近余家有禮書房缺身係

讀書苦於忙碌學師慰之曰禮房之缺實係清苦敝地充

此缺者亦皆文墨家也談頃辭歸宵初訪一山知孝廉

堂課卷已寄郡交繳矣

廿一日辛陰在館德窩向來作中學堂道課

策題問儒者言治動曰省刑罰

薄稅斂今泰西治國律不厭其密稅不厭其繁豈先哲之言未盡可信歟抑彼此各有主義歟試縱論之

宵初成七言長歌

潤色至天曙始定彙

俄約籤押誌感

尺紙書成誤君國一髮難挽千鈞力大句破壞竟如

斯此恨茫茫不可極去年叔帶亂周京羣羊入路居

庸城燕臺烽火冲霄漢翠華西去蒙塵行長陵風雨

鬼神泣鼙鼓聲聲兵夜襲殺人如草血交飛開門誰

揖強狼入今之鄂羅昔言胙秦夜郎自大西為鄰長蛇封

豕甚猖獗敵將無人度故津杞子竟掌北門鑄鑄鐵翻

同六州錯半壁江山趙宋家和金孰學秦長脚一誤何
容再誤之鄴侯仙去繼者誰力爭能挫契丹氣不及鄭
公出使時季春月朔壬寅歲國書已定重訂誓漫言
唇齒兩相依狐鼠憑城終失計英獅俄鷲帝東西彼
此效尤悔噬臍諸公衮衮倚高枕甘作偏安起禍梯長
白山高鴨綠水東北秀靈鍾帝里中原定鼎二百年發
祥之地自此始蒙兀部族今復存此中駐足皆王孫遼
陽土界限沙漠壺天日月昭乾坤金陵王氣盤龍虎
黃圖不讓漢三輔一朝棄撤舊家居此後終無乾淨
土我閱此約酸心腸竟遭蠶食強俄強有如三窟

營狡鬼直同告朔存餼羊書生憾無寸尺柄太息
列強謀吞併杞人空抱青天憂南風何為歌不競粉
飾太平寄憾多悲歡交作奈今何圖存莫作偷安計
指日山河再造歌

廿二日壬午陰早晨改潘震炯中東卷往王魯芹詠沂
章霖士明申二先生家送葬夕冷風大起代山兄作誌
感四絕句薄暮寄郡宵雨過妹家

俄約籤押誌感七絕四首

開門孰揖虎狼秦失計今朝憾佐臣千古權奸都
誤國曹瞞矯詔敢欺人

志感什纏綿排測愛國
之忱流于言表 震軒
詩學曰天梅村雖未極其
至雅合體裁 重觀察

鄴侯已去誰堪繼江左夷吾仰望深一字何能如
富弼力爭折得契丹心

乾坤一氣拓雄圖鑄錯傷心失遠謨長白山高圍
鴨綠聲聲訴憾聽唬烏

郎報於今拭眼看強俄約定倍心酸補牢猶挽亡
羊失莫使忘情作苟安

廿三日癸陰朝在館德窩來午刻全李穉菊表弟訪
章味三孝廉渠贈余紈扇一柄字係趙紹平振琦編

修所書丹青手筆為徐壽九南茂才所繪也夕柳琴仙過
館代余購來七修類稿共十六冊著述者為即士瑛申後軒兄

過訪宵訪鄭一山談良久歸

廿四日甲陰朝在館閱史記叔孫通傳午刻往王子程
家為其尊人送奠夕作玉尺官課論題叔孫通定朝儀得失宵續

成之復加潤色至四鼓始寐

廿五日酉晴終日在館作玉尺官課策題東三省利權公諸各國藉以抗俄議
至暮祇成半篇宵續作之完篇終嫌發揮未透也

廿六日戌晴朝在館將昨作之策復為增損至午始定
夕抄玉尺官課卷宵困倦抄一幅而止

廿七日亥晴終日在館抄玉尺官課卷宵雷雨章味
三孝廉遣人來邀有要事相商約以明日夜起作飛

雲閣餞別七言四首是日聞西北學堂全外隅之三學堂
學徒合習體操其東南教習若蕭侃侃鄒杏蓀二君首戴
草帽身穿西制衣服儼然自命為赴赴者真可鄙也孟
子曰吾聞用夏變夷者未聞變於夷者也彼二人者何不
善變若此乎

飛雲閣餞別為盛蔚堂鴻燾大令卸篆作

仙鳥飛泛赤水濤公前年樂成繼權瑞篆賢聲三載感人深公宰瑞約

計三稔凡積年案牘逐日理結民消訟累與人動誦政績燦然一春膏雨歌桑梓自去冬十一月計百二十餘日雨澤稀少農田乾燥不得下種豆兩袖清風伴鶴

麥民心惶惶公設壇祈雨不數日而甘霖降矣琴漢史猶存循吏傳南邦復展召棠陰瓜期已及揚

帆去流出雲江話別心

一鞭歸詠記安仁花縣河陽際暮春在浦明珠期

再合虛堂懸鏡不生塵公精于吏治人之赴訟公庭者立辨曲直一訊即服邑稱神明焉千絲

繡作平原像比戶圖成學士身少駐行旌勞祖餞無

邊斜照隔煙津

迢遞雲山指去程離離芳草徧郊城鄭僑東里傳

遺愛龔遂青齊著政聲邨嶼堂開千樹近珠江水綠

一舟輕公籍在廣東故云幾回斟酒憑高閣曉鳥猶能解別情

漫言桑海幾移遷聚散人生豈偶然流水池塘飛燕

地青山城郭唱驪天清談風月酬佳日把酒桑麻

別四律
九枝手
字字飛
鳴秋花
潭水聯
不淨專
美手前
吳雲
時多溢
天愧
寧敢當
不美
麗
今人不
忍釋手
流興才
也評

憶去年飛雲閣舊名話桑樓今題此可許襜帷重駐此兒
童竹馬快迎鞭

廿八日戊子陰早起抄餞別詩登西岷山拜倉聖以是日

字祖誕辰同社諸君備牲醴拜祝值祭者為徐鶴樵

胡步蟾二先生余亦隨眾叩謁席設鰲山閣享餽改閱

潘震炯師課卷夕在館改延春逐日小課宵管杏浦李

彬臣過訪是日聞連成義塾以學徒不守規矩還各隅

教習共議訓斥暫為停課一日竊怪此事大不近理也

廿九日己丑立夏節朝晴全山兄訪章味三聞昨晚有

事已赴郡矣入館德窩不至午後雨聞雷閱中外日報

宵初錄近作詩訪一山過玉君表弟家與舅母坐談而

歸寫縣錄清冊

三十日庚寅晴晨訪山兄袖近作詩贈之終日在館德窩向

不至閱中外日報宵寫縣錄清冊

四月朔日辛卯晴在館寫彌封冊籍宵始完之

初二日壬辰晴在館葉耕經過訪代改玉尺師課卷宵作中

學堂府課題問當令政務以興利為重人稅既違永不加丁之祖制行鈔又

留心財政者盍舉祇成半篇而寢

初三日癸巳陰朝在館續成府課策改潘震炯卷夕寫大

雩祭祀昨肉粟宵雨書雩祭祀祝文

初四日甲陰朝在館夕湊寫彌封冊籍宵往王玉卿家
飲湯餅酒王君新舉一男故邀親友以行樂也在座者洪
綬林表兄李杏芳應龍聲玉郁芬共十餘人席散過章
味三孝廉處一譚

初五日起晴終日在家寫院試坐號冊籍宵續寫完之
一山亦來寫年貌清冊

初六日丙朝陰在家作鹽局孝廉堂課題治天下以何者
為要論
午後脫稿作試帖一首題賦得安得猛士守四方
得鄉字袖與山兄抄

就定晚下寄郡交繳申刻雨今趙羽儀妹丈暨房友順
過縣試正場卷宵校正各試卷姓名至四鼓

初七日酉雨朝往二舅氏暨子琳表弟家為舅母萬丁二孺
人菊舫四舅父送奠夕邀蔡作來暨同房友填試卷姓名
并寫牌燈名次王質甫至與震軒妹丈坐話宵改潘震炯
課卷

初八日戊晴終日在館
初九日己晴在館改潘震炯憲卷宵檢點卷冊交蔡紫生
送署用印

初十日庚晴朝在館改許德寓窗卷夕代鮑澍驄寫納采
紅帖潘君雲生來偕其侄震炯歸申後乘舟往丁田張
震軒妹丈家為明日寫錫上館邀予發蒙者也上燈後始

戊子子琳路祭父母文
嗚呼日月有時而逝餘桑海閱
世而變遷彼死生之所係定于理
有同於靈椿兮霜已折春葢兮
雪堪憐念我父母每養多年恒
明發而不寐每含溫而涕連悲
莫酬乎罔極恨長抱于天職
未盡乎人心自問而有德待坊
墓而合葬行窆多以周旋福地方
兆吉卜初消山集雲而不遠車
駕霧而歸闕臨歧兮祖錢泣別
兮當筵椒荔兮酒薄薄頻兮
薦泉容歸香香情表奉孝願
雲軒而少駐尚歎墜手心虔

抵妹家過晚餐與家鑑亭丈振三兄坐話

十一日辛晴旋陰已刻寓甥上館余為啟蒙午刻設席飲畢即駕舟返夕遣僕向縣署領印卷而門政留難爰為辨論一番始領出即時邀趙羽儀妹夫李韞齋雲苓祥菊諸中表將冊卷姓氏同為校訛畢事時交二鼓夜半檢點行裝乘河鄉船匆匆晉郡偕行者伍鳳樓表伯杜茂珍工人

十二日壬寅朝陰坐舟中默想昨宵匆促出門忘帶縣錄暨送冊卷二角公文心如懸旌即時寫函交過路回頭船送與王玉卿卒刻始抵郡仍寓張桂林齋光禧老叔家未後雷雨林息渚先生過訪薄暮寫函二封一寄家中一寄玉卿宵倦眠早

十三日癸卯早辰細雨過東陽春棧訪學書王質甫邊葉老芝公往工房處備空白公文伊辭未備即回寓而蔡紫生不至恐學憲轅到一時誤公即遣茂珍歸瑞取來并催王蔡二師徒今晚速來辦公夕陰胡惠卿先生來偕余訪府禮房周玉亭於烟館茶話良久聞來續補考生姓名回寓宵過學師公館中途遇胡綬卿友仁謂廩保名單近已派就計縣學十九名府學九名洪錦濂不在認挨之列管

洪錦雲 程雲伍 恭寅 黃頤 趙準 錢兆奎 陳培源 戴炳騏 趙賡 賈

吳之翰李炳章王芳藻黃振堦薛頌坡吳擢伍林駿胡友仁薛

鼎芬林桂芳項維韜項毓芳劉凌雲陳鴻鏘舒鳳翔張虞龍即

全歸查核保下三代者陸續而至時下三漏始寢

十四日甲辰陰晨趙羽儀李穉菊蔡紫生自瑞來應試諸君

漸次到考寓填冊買卷計來者共二百多人宵各廩保來查

諸童三代籍貫者絡繹不絕

十五日乙陰小滿節是日來考寓買冊者約二百餘人潘

震炯過訪薄暮張燮鈞學憲到郡過王質甫寓畫認

保諸童赴考經古花押

十六日丙晴早晨學憲到府學講書余以公事不去

午刻放告懸牌明日考各屬生員經古永泰玉三邑童

生經古吾邑赴局來填冊買卷者計一百餘名宵深

全劉老元李穉菊在酒館吃小點遇管杏浦吳伯屏薛

仲渠均在座

十七日丁陰小雨是日考合屬生員并永泰玉三邑童生

經古午刻過戈鼎彝寓為蔡福成係余認保王君墨林

本蔡之業師以舊歲言語相侵致生嫌隙本年修脯還

余代措遂招其窓友相與勸導始允夕竺雅周過訪

為同里蔣宗藩係舊夕曾報捐監貢者挨次適在余

名下余以此人既入貢成均照例不得應試且禮房已

將其名註入冊籍非虛事也。三君堅執，今例謂今與古不同。彼一時此一時，不可作一律觀。而又言多譏刺聽聞之下，實覺難耐。余對曰：僕有稽查之責，以公辦公，不知有親友情面而已。渠竟含怒而去。余遂謁學師請事，以免後日為難。薄暮作家書，賸以跌錢二千一百文寄歸家。用宵初畫正場，童生年貌冊花押是夜，生員進場四鼓睡起，全羽儀，妹丈飽餐往考棚前候點。維時大雨連綿，衣襟濺濕，迨接卷領題，天光透曙。

生員經古 禹貢貢道總匯大河說 水道 子蒲子虎救楚師出何道攷 兵學與地 題 中國政治 盡罷去胥吏 六曹得失論 興工為強國之本論 工學 問軍機之權比漢三公唐三省長官宋中書樞密同異若何 問中國之喪海 權先由於失海險海險之失始於何代成於何人 能言其畧否 兵學與地學

各國 德謨額拉阮藉陸雲用意異同說 哲學 上官憲法十七條平議 憲法律 政治 公法元始曰性曰理究與中國儒者之說異同若何 性法 花旂石炭脈富 於全歐考 商務 問西史 特義 國雖山田犖猶其受來與原濕等此農業 何以能如是之精試求其故 農學 問羅馬盛時不多養兵而富國其甚易其故 安在 地學 各國教學 科倫布以航得地 得賚賜以銀興邦論 功孰為最偉 格致家謂小行星皆日所生 試廣其證 天文 有二秒能顛二萬五千次一每秒能 顛二萬二千次 聲速設一秒行一千一百尺 問顛距及聲之高 聲學 有絲淡輕 養配成雜質元質以兩種相配 分劑任取幾分配之 問能成若干種 雜質化學 有橢圓鏡長徑五寸短徑四寸八分 光由周之一點射入與法線成角三十度求 鏡面內被折之角若干 光學 問電力與水力測弄之法 理有相通者亦有相 反者 孰同孰異 試詳舉以對 電學 童生題 中國史事 問魏人邊擊吳使 於成山宋人破完顏鄭家努於石臼島海道形勢若何 輿地學 問凌敬說夏 王取懷州河陽渝太行徇汾晉鄭圍自解其說果行勝敗之數當如何 問東漢南宋大學生氣節最盛 朝廷養之有素 耶其時風聲習尚 然耶試 求其說 學校 問先儒多咎宋人助元滅金 宋不助元 元遂不能滅金 否宋不 滅金 元遂愛宋不攻 否 兵學 新舊 唐書 職官志 輿圖攷 明史 外國列傳 辨 正 問巴斯陀能辨極小一點之巴 拉西德此小點究係何氣所成 煤礦學 問西醫神妙不測之技 中國亦嘗有之 能於古史中一 指出否 醫學 十八日申戌在場中構藝 題 四書義 府子貢問政 水子張問政 樂子路問政 瑞仲弓為季氏

宰一章平葉公問政一章秦子夏為莒父宰一章
玉顏淵問為邦一章通場次題景員維河

據以書本搗帶不便無從佐證草草完篇是日崇朝
其雨塲屋湫溢簷溜如繩雨珠亂濺展卷楷寫頗覺
其艱如蚓成字細弱不勝加之覆瓦日久漏濕層層天
色陰翳莫辨早晚但見交卷者紛紛余亦率意抄就
隨眾而出時甫過晡申後開霽與趙羽儀妹丈李穉菊
表弟坐談錢曉六北奎過訪為考生戴雲祥適余挨保
於八款有碍清白借其業師戴君炳驄來向余說情因有
關於情面乃允之甫深林玉璇先生來為蔣姓人作說客
因以言語侵觸且反為余激故決意扣之廩保諸君都來

畫押年貌冊惟薛玉坡至最浚全洪小峯往學房處開
來赴考經古諸書各次認保單至三鼓回寓五鼓睡起
偕劉老元携衣帽在場前候點維時尚早到酒館吃小
點聞外號房傳呼送冊甚急余以進退兩難遇周曉秋
李雲苓二君托其代檢免致誤事居久之日上三竿纔得
點名給卷廩保中惟薛頌坡不到張友夔代渠應點被
張文宗察覺喚張一詢遂釋之然不至於譴責幸矣
十九日己酉朝晴夕雨考樂瑞平三邑經古假寐半日王
君曉周來欲以填冊應試而不知年貌冊子已繳送多
時矣渠遂垂頭餒氣而去薄暮過潘寒生寓索震炯

場作一觀語頗中肯心甚喜之宵初膳消認保手摺是
夜考樂清瑞安泰順玉環一場童生余攜衣帽隨班在文
宗公座前唱保先是宗師傳余聞蔣之名下何為無花
字余以捐貢對而小峯亦有一李姓渠以俊秀對文宗均
領之即以硃筆圈去之雖然得過且過特恐將來成為
怨府耳

童生經中國政治問易繫辭上古結繩而治六書實有象形論者遂謂
古題 歐洲之七等記號實有仿結繩非洲古碑大小等字實仿六書
夫積人成世而文字興焉豈必相師耶試以己見言之 經學 問禹貢貢金三
品胡東樵以為即唐宋以來宣鏡銀揚則礦務三代前已有之矣試傳羣書以
證明之 齋學 問周禮獄聽於士師之屬而地方官司市別掌中憲徇朴
之刑夫訟市師蒞之 齋師買師聽焉蓋不以治民者治商也今各國均
有高律而中國無之果應及時仿行否行之果有利益否 商學 問左氏
傳子產對韓起曰先君與商人世有盟誓以相信也此與今西人以商立國之

意似合能博引羣書以證明之否 中國史事 周瑜謝艾將畧孰優論 兵
吳守邦城晉不守邦城用意不同論 輿地 張子厚少喜事功其流遂為顏李
學派其得失如何 理學 藥史駁孔維請禁原蠶以利國馬議 醫學
各國政治 希臘七所 實哲學 萬國便法與公法異同辨 公法 問摩西不許
猶大人收利息意謂理財必當務本此與重農之意相同否 計學 農學 問
西兵無一人不出於學校故行軍測繪之法最精其教之也難矣其養之也費矣
然如俄英德禦法之戰英法救土敵俄之戰皆聯兵累年伏尸百萬安所得學
校如林之士而糜爛之試求其說 學校測繪 各國藝學 問聲光無質必藉
空中微氣以傳其理若何 辯學 問電氣化學 醫學 有物在緯度三十度四十五分之
益亦過于湯液其理若何 電學 化學 醫學 有物在緯度三十度四十五分之
處衡之得重二十斤若以元秤元物移置緯度六十度之處其重應差若
干 天文學 重學 有一煤窰用出氣管催天氣上升管高一千九百三十八尺
天氣每立方尺重千分磅之七十八當熱四十度天氣入窰每分時一萬二
千九百六十五立方尺若熱須至五百二十四度方能使天氣出窰求火力獻學
二十日 庚陰是日考樂瑞泰玉四邑童生正場 四書義
題 樂 臣聞湯七十里為瑞 海內之地方千里 泰 今魯方百 玉
政於天下者湯是也 瑞 者九齊集有其一 泰 里者五
今勝絕長補短 通場經義題 民訖自若 朝閉消東房門
將五十里也

房唱書各項規費夕過潘生震炯寓談坐頗久薄暮
伍鳳樓表伯乘夜航船回里宵深發生員經古榜第
一王魁廷第二陳明

廿一日辛亥陰是日覆生員經古朝家僕自瑞送食米來午
刻彭君蓉初來招飲為黃澤中前年毆保罰謝也夕
過管杏浦寓薄暮家僕乘夜航船回交制錢壹千文
帶以作家用宵在寓中與趙羽儀李穉菊坐談戴鯤南

先生暨其世兄蘭緣過訪

廿二日壬子朝陰考場水平二縣童生題水徹者徹也平
助者藉也通場次題天子樹瓜華公李韞齋表兄穉菊表

弟往大街買零星物件夕雷雨旋霽偕蔡紫生李穉菊
至西郭觀劇在寓宵深出生員正場榜府學一等廿

四名王魁廷第二項廷驊唐夢驥胡嶽申洪彥遠項驄陳懷

周景濂柳鳳池何毅林文鼎胡國銘張鳳池林冕谷培宸

徐陳冕張爾彥項廷珍林之屏何翰藻鄭曦項維韜李崇

賢陳葆楨瑞學一等三十名孫祖綬戴炳驄張亮道薛頌墀

唐翼聖許壬錢兆奎林彤傅師說趙準趙廷儒黃文翰陳

世芳丁煦陳愷唐黼鴻徐玉鳴黃頤胡黻堂吳璿吳擢伍

余思勉王廷佐伍恭寅張璞胡錦濤戴炳驄陳楚元趙

鐸方鴻初聞此課案中前之經古入彀者均在列惟永學

色作雨則脫落焉

附錄昨日秦關地至瓜州何以不縣義渠說經與地學 耕連係馬遣兵塞覆經古題 潼關斷青泥論與地學 問西俗雜宮歲常巡幸與金元國俗

春水秋山同異若何政學 問中國政治家最重洗冤錄然與今西醫所得新理時有不能條舉而證明之否 政學醫學 問雅里大德勒氏性理氣命之學

於中國儒家孰為最近哲學 問斯密亞丹馬克樂論泉幣二說孰長 商學助七器根本一理說算學 級數與廉法 相表裏說 藝學算學

廿三日癸陰朝聞覆試生員四書義題 公侯方百里伯七十里 樂

清禮房孔德軒先生來震軒妹丈繼至午後李穉菊邀余

暨李彬臣表兄有事出西郭遇雨極大過南雄廟少憩至

申後乘小舟歸薄暮趙羽儀妹丈東裝回瑞宵初招房東

張光禧亦全諸人酒為前日向黑虎廟祈保公事平安此

番備酒醴謝神蓋邀同人享餞也夜半懸一場童生提覆

牌瑞安共五十六名穉菊表弟潘生震炯則不入彀矣余為

扼腕久之認挨從下在列者三名全劉老元過學房處

畫花押冊歸寓心恐誤公伏案而卧

- 附提覆
- | | | | | | | | |
|-----|-----|-----|-----|-----|-----|-----|-----|
| 蔣建忠 | 陳一壽 | 徐駿 | 黃秉鈺 | 趙淮 | 邱秉中 | 鄭輔周 | 項黼錢 |
| 陳安瀾 | 蔡冠英 | 蔡耀東 | 李鶴年 | 張洪鈞 | 曾燮 | 張秉鈞 | 黃品金 |
| 吳維藩 | 張可臬 | 吳孟龍 | 金聲 | 周鈞榜 | 趙瀾 | 葉北東 | 謝協元 |
| 李祖林 | 許藩 | 盧元 | 王鼎卿 | 洪彥亮 | 董徽文 | 彭鳳華 | 李周 |
| 李琛 | 金蘊嶽 | 蔡體年 | 朱泰 | 鄭興 | 曹北書 | 王頤 | 鄭棟選 |
| 蔡景禧 | 夏允中 | 林驥 | 蘇嗣武 | 薛瑞驥 | 陳鼎三 | 徐來英 | 王汝藩 |
| 繆錦濤 | 胡炳元 | 陳經 | 林鳳岡 | 吳樹屏 | 林文潛 | 李龍燦 | 洪彥謙 |

廿四日寅甲雨天早穿禮服在考棚候點已刻始出是日

提覆題 有世臣之謂也 淮陰侯論 夕在寓兀坐半日一山過訪申刻穉

菊束裝乘夜航歸宵深發瑞安新進榜縣學計廿五名

府學計十一名余舊歲生蔣友龍則列案首為余認者蔡體年取入邑學為余揆者薛瑞驥取入郡庠而李周根不在內矣一山受業生縣取二名林驤府取九名曾變均落孫山不勝代為惋惜豈山公財運之不旺乎抑二生才力學問之猶有未足乎蓋亦天數使然已爰邀工人杜茂珍持名片往各親友處道賀

縣 蔣建忠 黃秉鉞 王鶴卿 徐駿 趙淮 鄭輔周 陳安瀾
學 蔡冠英 蔡耀東 張洪鈞 黃品金 鄭真 徐來英 陳一籌
吳維藩 吳孟龍 金聲 董嶽文 王頤 鄭棟選 蘇嗣武
洪彥謙 蔡體年 林鳳岡 吳樹屏 趙瀾 彭鳳華 張秉鈞
府 項黼箴 周鈞榜 鄧秉中 洪彥亮 趙瀾 彭鳳華 張秉鈞
學 許藩 王女 文潛 薛瑞驥

廿五日乙卯陰終日在寓俟各新生來取長短結汀川張震軒

妹丈代余購來明通鑑一部共一百卷是書為江南知縣當塗夏變所編輯也計二函係石印本十六冊蔡薛二君整衣冠折柬來謁是日考優生暨教官教今夫地一撮土至萬物載焉優明乎郊社之禮禘嘗之義宵深出二塲永平童生提覆牌

廿六日丙辰陰疎雨提覆永平童生四書義題 序者養也 論 鄭忽突皆善用兵

選蔡紫生劉老元往各新生處收取牌燈規費聞是科入泮者半屬寒家規費歸收較去年頗為費力宵全蔡作來出門收費遇雨而歸

廿七日丁晴朝以學憲總覆文童余所識認之蔡君在

其列故到考棚前久俟半日遇曾蒼雪先生訂定端陽節後來瑞訪余曾君酷好先曾大父所著玉甌集此來蓋欲手錄之也聞瑞學新進者多寒家所填學冊規費計英洋四百餘元惟永學頗饒平學千數夕過潘雲生寓談論良久宵全蔡紫生劉老元往各新生處收取牌燈規費至二鼓歸其夜雨

廿八日^{戊午}雨晨刻學憲招各新進更衣參謁邀劉老元杜茂珍到考棚散給花紅余松舫來假藍衫一穿夕全劉老元蔡紫生往各處收取規費過澤進巷谷桂芳書莊購來杜詩詳註一部共十二冊板子甚好惜蠹敗不堪耳

書價祇英洋五角之數宵初薛君織卿折柬來邀飲亦芹酒為其哲嗣瑞驥適挨在余保下也殷勤備至心甚感之廿九日^{己未}雨朝偕蔡紫生往寶興巷葛家收取新生林鳳岡金聲二君牌燈規費夕全杜茂珍往街市購雜色貨物宵霽見星檢點行李雇河鄉船回瑞同舟者四人

五月朔日^{庚申}晴晨舟抵莘塍有數隻龍舟上水勇氣十倍頗堪寓目己刻到岸歸家朝餐後往館午刻過西北蒙學堂與管李二君坐談半頃仍入館宵邊李麗生表弟暨店中人效河間婉女法手數蚨錢計二十餘貫耳初二日^{辛酉}晴芒種節朝過鄭一山趙羽儀家一譚入館

午刻小睡夕改延春逐日小課宵初偕山兄往虞池宮觀劇遇許養頤至二鼓歸

初三日壬晴終日在館遼國琳表弟陳碎琳往本地收取卷資薄暮以端午節近特為諸生散館數日宵訪山兄

初四日亥晴朝在家解折來往賬務午後袖墨西哥銀十元往同豐南貨店交麗生表弟係今春間代墊買物款也過庫房薛松如處取來祭祀款下英蚨三翼至陳氏大舅母家一坐遇潘雨臣適來討玉君去年借債計英洋六十餘元宵訪王玉卿袖本年薪俸銀三數交之遇雨至玉君處小憇而雨臣先在閒談良久謂王之積債今夕必須完璧歸趙否則莫怪僕之無情也余聞之恐傷情面向舅母再三力勸屈身認付約以月晦先還十元始允歸時漏三下矣

初五日甲晴端陽節朝飲蒲酒半醉書雄黃字遍貼窓戶以辟邪三妹製艾旂蒲劍以懸之午後全家毓卿雇小舟渠階乃容熙濬三侄余亦攜柁榭桐三兒共船遊覽陳碎琳附行過豐湖見龍舟十餘隻岸上遊人如蟻聞盛蔚堂大令在莘塍恐鬪龍爭先釀成人命故往彈壓也申後散河舟子返權至水心殿小憇觀劇抵家日向晚矣宵設饌祭祖初六日丑晴朝閱皇朝五經彙解日知錄夕作孝廉堂題

局課題 春秋黜周王魯辨 宵深脫稿另騰一通

初七日丙寅晴朝訪鄭一山夕張震軒妹丈家晉三兄自丁

田至孫季恒公子來索觀家藏詩畫薄暮全晉三過張松

如處為全族小洲吉揚私賣養賢園產囑其代為轉圜并

勸寔壁歸趙也迨返而季恒已去留吃晚飯談頃乃駕舟

而去爇燭檢點書畫藏諸篋笥至三鼓倦甚就寢

初八日卯晴朝在館作孝廉堂釐局課題加稅免釐利

至暮脫稿宵批燈復為潤色

初九日戊辰晴朝在館孫延曙來代余購來中國財政紀

畧一冊計價洋二角七分郵費在內潘震炯來上館夕許德窩來讀書葉

耕經過訪宵作策問題問西稅重征烟酒居國用大半幾值百抽百中

及百分之十而酒戶已嫌煩重何中西民情不同試求寬嚴得中之法至五鼓脫稿

初十日己巳陰雨朝在館嬾夜間所作策問未甚穩洽加意

潤色午刻袖往一山家托為抄繳午後訪葉耕經送息英

洋十三元交與胡姓自舊年八月初五日借來其利息計隨月一分三厘

又托為轉票一期自本年五月初五日起至二十九日止息洋之數如舊談頃回館作詩

鐘數聯薄暮寄郡宵全一山坐談歸已二鼓聞家僕說

送卷至東門外而夜航船開去多時急足向前始追及

然終不得傍岸祇托拔纜人代送維時雨勢極大未知

受濕否一聆此言中心未免搭憂也

附錄詩鐘

角

鐘 黃錢

一揮來牧野武青鋒三尺

蒲

誤豐城花入夢筆秋深

大輪

青塚草招魂君

岳武

李義

在昔履端存正歷即今典午歎中衰

蜂腰

十一日庚陰雨朝在館孫季芃昆仲議集同人立不纏足

會以遵令上之明詔也近午薛玉坡管杏浦吳伯屏

過館邊余偕往謁孫中容先生為黃鶴仙家罰款以西北

學堂經費支絀先生大有聲望故托為一言多撥資助也

夕閱中外日報家僕往丁田寫函寄軒兄薄暮僕歸帶

來日本國志一部計十冊此書係梁代購者也宵寫武

帝誕祭分肉票

十二日辛晴早起寫武帝誕祭分昨票往館午後各屠

戶來算結本春祭祀昨肉賬項申刻入館膳分肉單宵

熟步月過李祥菊表弟家一譚歸寫祭武帝祝文是夜

五鼓各官僚祭拜關聖邊陳粹琳到廟排設豆品

十三日壬朝陰在館午刻補祝舊年拱瑞山福首請同

人享餞家晉三兄適來留飲未後雷電大雨入館許德

寫來改延春積日小課宵閱杜詩詳註

十四日癸陰小雨終日在館許德寫來宵閱明通鑑

十五日^{甲戌}晨刻陰訪洪棟園師出李君仲都遂賢寄懷
詩暨舊作詩鐘一冊相示乞袖歸錄之已刻雇小舟全陳
粹琳家僕往丁田震軒妹丈處魚為補廩開報前林小
宗祠也夕雨與軒兄坐談宵前林族人來說小洲偷賣養
賢園產托余調排或議和或交戰先為一決談至三漏報
罷始去

十六日^{乙亥}朝晴在妹家假寐半日近午族人學獻來議
贖回養賢園產事仍不決申刻雇大姆哥駕舟歸宵李
雲苓表弟來還伊算結惠民倉開消各項賬務以交旬
期近恐迫切不及故預為之計

十七日^{丙子}雨夏至節朝洪棟園師送到醉綠吟社四期詩
鐘題目一紙在館閱中外日報卓午聞蟬聲申刻張震軒
妹丈偕族人培吉來為前林偷賣田產事被族眾邀伊全
余至張松如處酌議贖還因族蠹富純在其家恐出言之
下漏洩春光或有不便故邀松君到家一酌兩相談論
稍有頭緒但田價頗鉅耳薄暮軒兄返權宵初過陳
丹卿表弟家為受管竹君挨保筆資之托坐談甚久
轉至羽儀處妹子邀飯過李西垣岳夫家遇葉雲村
歸時三下漏矣

十八日^{丁丑}雨朝在館午刻以西北義倉于十九日請憲開倉

出糶特寫紅帖請同人到廟經理其事夕德窩來閱中外日報宵初趙羽儀妹夫冒雨送楊梅來談頃去為潘煜齋說普通新歷史

十九日

戊寅

大雨朝在館孫公權代購揚子江流域現勢論

一卅改延春逐日小課午刻往西北義倉全李松栞芸苓姜嶽仙彭耀卿坐談以是日請官開倉盛大令公出權選文二尹以代庖也余托同人照顧仍入館閱中外日報宵為潘煜齋說普通新歷史

二十日

卯

快晴竟日在義倉全李松栞雲苓姜嶽仙彭

耀卿糶穀鄭小谷楊潤谷洪小芸惠然肯來是日收英

銀三百四十八元內有二圓劣焉宵倦眠甚早是夜雨

廿一日

辰

雨竟日在義倉全李松栞姜嶽仙彭耀卿雲苓

表弟糶穀薛玉坡偶一來之一山來說孝廉堂鹽局課名列一等二次府課名列高超一恨一快兩可相抵是日計收

英銀二百三十七元薄暮趙羽儀妹夫來招飲唐叔玉孝

廉屈首座唐君分發河南今春進京陛見此來趙兄特

為接風也余問引見時兩宮坐位如何對以皇上寶座

在前甚低太后之座列後甚高如聖廟夫子及三代之式

又問皇上與聖母容度如何與今之照像相合否曰以

拍照觀之容色頗腴而廬山真面則不及也談至三鼓各

告別

廿二日^辛晴晨訪鄭一山轉至西北義倉托李松琴雲苓
姜嶽仙彭耀卿代余効勞因館課曠多欲到館檢點也
已入館許德寫來午刻張震軒妹丈自丁田至是日義倉
出糶早穀計收英洋二百餘元即全管杏浦姜嶽仙李雲
苓袖英洋七百卅元存交大賚典舖生息夕看中外日報
申後薛玉坡吳伯屏邀余謁孫中頌先生為黃家罰款
銀條已派東南西南兩隅所分銀單蓋交先生也宵初雨

閱杜詩詳註

廿三日^壬晴晨訪洪棟園夫子終日在館成醉綠吟社四

期詩鐘共九聯章^{霖士廟}先生遣人取墊款洋共十元商諸

同事不允婉辭之^{霖士廟}宵初過一山家小坐聽檐雨作

丁丁聲乞雨具踉蹌而歸

附錄詩鐘

烟鳴節恰端陽屈蟾照光添此夜圓^{五月十五}三唐

風格追蹤少五夜禪心覺夢多^{詩鐘}千竿斑化湘妃淚

一曲薰傳虞帝歌^{竹夏}鼻仿荷簫噓暖氣心通蘭譜戒

寒盟^{水煙筒友}柳市門前邊過客桃花廟裏拜夫人^招

牌息媯為按玉簫妃子曲時修金幣列侯儀^{荔支朝朝}

畫壁還疑燐火現敲枰每向樹陰濃^{自來火棋}躡足三

分須入木包身一樣肖懸瓶^{喬底膽}普天為紀重輪

瑞濟世還須作楫才

普濟鶴頂格

廿四日

癸未

晴朝在館許德鶴來午刻袖昨日所成詩鐘

數聯呈洪博卿師改削推敲二十餘字始定寫就轉交夫子寄郡夕改延春逐日小課孫中愷公子謂前日黃姓哥款東北派坐半百之款雖為容兄允撥西北而捐派諸家不免藉口托予向同事代為轉圜也談至暮始去宵過玉君表弟家一談李雲苓姜嶽仙來

廿五日甲晴連日天氣甚涼時當盛夏猶不覺熱恐暑氣暗伏發之於秋必多致疾吾人當此宜善珍攝也朝過西北學堂與管吳二教習一譚入館閱中外日報夕改

延春小課聞衙後雞髮匠阿堯之母平日凌虐其媳惡毒不堪昨晚又加苛虐遂扼其喉以死鄰舍代為不平報其姑反接之與死屍捆作一團以消恨日來未殮或者鳴官以警世乎又聞日昨隆山會市有少婦自山頭歸甯者久未還家意將改醮其夫聞此消息遂遣親友來負之而去噫世風不古時事日非視官法如弁髦置倫理於不問其奈之何宵初謁李鶴坡舅氏談頃歸李雲苓表弟姜君嶽仙彭君耀卿來結算西北義倉用款至四數廿六日酉乙晴朝在館閱中外日報午刻過王玉卿處為訂前日託借之款談頃仍回館季芄送來新民叢報第八冊

宵閱明通鑑

廿七日丙晴朝在館改潘震炯憲課卷延曙送來新民叢報第九冊夕閱明通鑑宵集同事諸君結算義倉用款數目仍未之定

廿八日丁亥朝晴在家全周曉秋李松琴雲苓姜嶽仙彭耀卿結算義倉用款并繕就清單中間用數不符頗有虧缺同人議空補之余以為真反成假不若明列之以表苦心諸君勸之通權達變聖人之道也余終滋愧焉夕雨在顯佑廟請同社諸君議接管倉務暨廟眾司事憑神枚卜始定議司倉務者周曉秋洪小芸胡魯鄉薛玉坡司

廟務者鄭小谷韓巨川郁元先生也宵選周曉秋李雲苓姜嶽仙彭耀卿諸君推算倉款至夜半

廿九日戊陰在館閱明通鑑宵集同事諸君結算義倉用款因中有虧空之數思至天明心終不解而諸人始去六月朔日巳雨朝全姜嶽仙李雲苓彭耀卿諸人在家結算義倉用款虧空之數用權補行心終歛然午刻在廟中飲交扇酒共三席震軒妹丈來不及遇夕同事諸人仍來余家抄謄交代總簿薄暮倦眠至四鼓始醒

初二日庚寅朝陰天早李麗生表弟至謂鶴坡舅父昨夜精神困倦不省人事聞之駭然在館德寓來出課題

表設學校正雅樂論館東留午飯夕雷雨改延春小課宵阻
雨不出門閱七修類彙

初三日^{辛卯}朝晴訪王玉卿訂借款約在館德窩不至夕鋒
舊作薄暮過妹家一坐儀兄近數日患瘧特往一問宵初
彭耀卿冒雨而至謂前日結算義倉賬項虧空四五元之
數今轉為核之始知失記修整廟牆五數之款也聞之心
為大快談頃去往李三舅氏處問安

初四日^{壬辰}晴熱小暑節在館德窩不至抄西北義倉報
銷稟夕雷雨為延春說鑑撮唐代有南北二司南司者
宰相也北司者宦官也宣宗嘗與令狐綯謀誅宦官綯

有密奏謂有罪勿捨有闕勿補則除之必盡後宦者竊
見其奏銜之由是南北司不和如水火然噫宦官與宰
相並權此唐室所以亡也宵閱中外日報

初五日^{癸巳}朝晴在館德窩不至抄義倉移交四柱清冊
夕雷疎雨抄報銷清單改延春遂日小課薄暮虹見宵
毓卿來取舊歲借款余以銀數未足姑俟明日庭蘭繼至
初六日^{甲午}晴朝訪王玉卿借來英妖三十翼入館德窩來
抄義倉報銷清單午刻蔡君

體年

折柬來邀飲采

芹酒偕彬臣表兄去席設周小苓先生家蔡為小苓妻兄
之子全坐王竹君許柘村鄭董二君申刻歸補抄報銷

單彭君耀卿來檢繙一過即托蔡紫生送署投閱薄暮
玉卿遣紫生袖來英蚨二十翼湊足大衍之數宵過趙羽
儀妹丈家一問喜其瘧疾稍輕也袖歸唐叔玉孝廉所贈
水明慶集一冊係袁太常所著書往磚屏後觀劇有汰浪雨
初七日起晴暫雨朝袖借項英蚨五十翼又息洋十六元交
家毓卿入館德寓不至葉奇頗自湖北歸過訪坐談約
半日之久謂近日申江瘟疫甚烈棺木竟為之空午刻季
芄出禧聖半面照像見之如三十許人脂粉香澤溢於頰
頤身穿珠衫修短合度首戴皮帕旁插鮮花一枝即日
報所謂牡丹花者也余以一介儒生未占釋褐今幸慈

顏得觀天威咫尺亦快事也夕改潘震炯憲卷宵攜秀
娟兩女柎榭兩兒往磚屏後觀劇至三鼓歸在慈闈前
心氣太躁被高堂斥責洵大不孝自今以後宜戒慄之
初八日兩晴晨刻趙羽儀妹丈過訪喜其瘧疾漸退已
入館德寓不至延曙送到新民叢報第十冊又代購那
特硬政治學上篇一冊改潘震炯憲卷館主人出鮮荔枝
欸余其皮微紅剝而食之如雞頭肉肥美異常色香味三
者俱佳東坡詩云日啖荔枝三百顆不妨長作嶺南人不
虛語也夕德寓送來憲課即為改削宵初家毓卿庭
蘭來毓卿交還舊歲借券并回收田單二鼓去訪李釋菊

初九日酉晴熱早起閱中外日報在館德窩不至成詠
食鮮荔枝七言四絕宵月色明亮過羽儀家一坐訪劉老元

食鮮荔枝

枝頭剪出絳囊新佳產南閩莫比倫領得中間香味好
晶盤堆處不生塵

迎風含露豔生姿點絳唇填絕妙詞為惜輕紅纖手擘
惜香應有美人知

極品爭推一品紅

福州之荔最佳者名一品紅

紅羅裁就紫香籠

紅羅荔枝名見

鄭熊廣中荔枝譜

主人分嚼已西種紫宋陳家本不同

芳名已列端明譜新曲曾傳妃子歌

唐宮製有荔枝香曲

日啖荔

支三百顆此生口福讓東坡

初十日戌晴熱早起閱中外日報陳友珍送到札耕銀五

圓在館德窩不至夕者廣羣芳譜潤色詠食荔枝支詩宵

初白氣亘天直如虹影自東北橫至西南夜午始滅父老

云此物數十年來未之見也或謂白狐或謂旱衝其吉

凶休咎未可預定

十一日己晴朝在館德窩來作送別盛蔚堂大令七律成

二首午刻蔣生友龍折柬邀飲采芹酒辭之夕館主人謂

項申甫進士家今宵請日國人來放東洋談火設諸拱瑞

山側合城人皆以未覩為恨均挈眷往觀僕亦願雇舟一

覽屬予放假乃歸就浴申刻聞雷全劉老元過張乙生
處取結銀規費宵乘月往周湖看談火共放五套頗覺
無味不及我華多矣而岸上與河中男女聚觀者不啻
千萬計人曰作俑者其無後乎項氏為之其招人唾罵也
宜訪姜嶽仙以義倉穀款存典生息請憲給諭被李激
梅從中播弄反客為主也心懷不平訪管杏浦不遇而返
十二日庚晴熱初伏在館德窩不至作送別詩成二七律夕
潤色之宵邊劉老元過董嶽文王頤二處取結銀規費而
數未酌定至羽儀家一坐
十三日辛晴熱朝袖送別詩謁洪夫子請為改削在館

午刻許柘村表兄折柬來邀飲采芹酒辭之夕德窩來
楷書送別律詩宵全劉老元過蔡耀東處收結費不過

送盛蔚堂 鴻燾 大令

爭消雀鼠頌睢麟復見南邦化及民西伯有恩沾白骨

吾鄉陋俗莫甚于感風水而停親柩有至數十年而不葬者城內攢室積有二
千餘隙地皆然 公奉檄催葬設法募築義塚助以葬費又於城外建寄園一
區以為覓地暫停之所民或使之 使君能武懾黃巾 庚子秋奉匪煽亂
數月以來城中積柩為之一空 河鄉華表地方妖
民張新棟招妖道數人設壇習拳與教民為難眾心惑焉 公聞之潛師往剿
斃其同黨數人懸首街衢而新棟則執以置之于獄惡焰遂滅一鄉安謐皆 公

力葉陳理學傳宗派鄒魯文風著海濱 客秋八月改試策論
紳諸先生創辦邑小學堂暨四隅蒙養 如此好官來久駐羣歌

學堂文風為之一振 公與有力焉 生佛萬家春

循良漢吏政無頗心地光明比鏡磨捍海塘堤防水患

自東山至海安所地皆瀕海每屆秋潮衝擊民田半為浸沒公濟人
遷各鄉紳耆勸築海塘以禦風潮今事將垂成而公去矣

漆洧起輿歌雲江餞別成詩早公前月以飛雲閣餞別題課
士蒙拔列案首原詩附呈

月旦評文入彀多駮屢課試卷蒙
公列置前茅訟事不勞庭草綠治

民須在得民和

仲由折獄本神明公善於決獄能使枉屈直伸奸
究匿迹案無所積邑人頌焉報最三年

著政聲泥黯能移河內粟公今春遣使到鎮江購
米設局平糶以賑貧民文翁已擅

蜀西名忍看江草青前浦吹過潘花紫滿城為羊次風

高載琴鶴香山一櫂計歸程公家居廣
東香山

握符忽忽及瓜期閭里難忘眾母慈召伯猶留遺愛

樹畢公曾勒去思碑畢公成源曾為瑞令政績燦然士
民為刊碑以誌去思故名去思碑刑書

鑄鐵寬三尺暮夜辭金慄四知冒雪清談賢太守我

家逋老此風追

十四日壬寅晴熱天早全劉老元乘周村船往上埠徐駿

家取結銀規費留午飯允我英蛛二翼俟月盡付下過

伍韻韶處訪周曉秋留吃小點乘私板船歸時潮水已

長風勢又逆不得前途舟近橫山始上山岸步行至暮抵

家宵過王頤家取結銀過木橋頭看談火遇羽儀杏浦

十五日卯晴熱在館德窩來錄餞別詩宵在李西垣岳

大家食新

十六日甲辰晴熱在館閱男女婚姻衛生學申刻遣僕托蔡紫生遞呈盛明府送行詩宵在李麗生表弟家食新

十七日乙巳晴熱朝在館德寫至閱明通鑑午刻僕報張妹丈震軒來申刻軒兄過館與宋平子先生仲愷季凡二公子談至日暮宵留晚飯始返權去

十八日丙午晴熱早起作控陳慶瀛盜葬呈詞以新任林

福熙明府于是日放告也已刻入館抄之午刻族人增

枓來取去代為投署申刻徐遂梅攜其子肇祥過館年僅七歲見壁上所懸世界大地圖即知東西之球位中間標注國名及各處島嶼間以西字渠亦能言蓋由其平時父

兄曾一教之也又指彖幅令其循文理讀之復能朗朗可聽但拈以一字作何解說則不免茫然是特欠講解一候耳季凡曰此子具有宿根倘受吾師指點定獲進益徐君遂致謝而去宋平子聞之即上樓與余言曰童子聰明太早恐到少壯時必遭自棄與其易視于將來孰若見難于始境聖人之徒曾子性最魯鈍反得一貫之傳人之靈性無論其敏不敏在勤不勤之間耳中庸有言或生而知或學而知或困而知及其成功則一子其以我言為然乎余唯唯放學遂歸宵全劉老元過蔡耀東家收結費十九日丁未晴熱朝在館改延春小課午刻季凡出海門陳

淑真女士条幅一觀見其字畫秀勁深得褚河南筆法洵
巾幗中之鬚眉也聞其所適係市井中人不能如珠玉之聯
合何月老之夢夢乃是夕德寓來聞童觀察出示于二
十日考決科廿一日未刻交卷凡生監要赴考須填真名
其被人訐控有案及丁憂者均不准試此為創格嗚呼憑
文取士何其嚴密若此乎宵全劉老元過吳樹屏家取結
費吳君便中談及宋世有遠祖宋孝廉吳祚者官知縣
後挂冠歸里構小園於三勝門外以作延賓娛老之區
中有亭榭畧為布置署其名曰相屏又于就近處置
田百餘畝為後人計今歲月歷久地土荒蕪更無人而過

問者中惟一亭成半角形了然獨存四圍瓦礫敗積過
半蟲咽苔滋不堪回首亭榜牘有涉趣二字跡已模糊
所置之田都被族之不良者典質殆盡屏擬欲改築宗
祠于其地以誌不忘子藏書甚富為僕一考志乘知先
人之薦舉何自始并知別墅之命名余領之遂歸

二十日自軾晴熱大暑節即天早訪鄭一山入館家僕送到

郡城決科題目

四書義在止于至善
經義 黎民於變時雍

夕在家作四書義至

暮脫稿宵成尚書義至四鼓完篇改潘震炯卷余恐限
期太促即握管抄之天曙尚餘二百多字

廿一日配晴熱天早抄就決科卷日上巳三竿矣匆匆袖

卷訪山兄托為合送入館閱中外日報終日宵過趙羽儀妹丈處坐譚時渠瘧疾未愈故往問之

廿二日庚戌晴二伏終日在館閱中外日報德寓來宵全劉

老元過王寶琳家取結費出蚨錢七百嫌其太儉還之遂歸改潘煜齋送盛令卸篆話別詩

廿三日辛亥朝晴微有風意九里潘震封來謂其叔母患急

症遷震炯歸在館閱中外日報夕東北風大起有雨薄暮

虹見宵閱遜學齋詩鈔

廿四日壬子天早疎雨為震炯之母分娩得疾十分沉重未

知安否如何遣僕往其家一問在館校點皇朝經世文編

午刻風止夕德寓來薄暮歸始知周氏表姊昨晚已逝

世矣心為驚駭不已宵閱中外日報

廿五日丑癸晨雷小雨風頓息過陳氏舅母處聞九里震炯

之父陡染時疫余甚擔憂刻邀禘菊表弟去其可占勿

藥未知何如入館校點皇朝經世文編近數日本城患

霍亂者不乏其人一染此症半刻即斃可畏也申刻徐

邃梅攜其子來拈天文數字為之解說又袖來着色

苗穠各種冊頁共四十餘幅其中夫婦老幼風俗器

具繪就丹青相形惟肖季芄延曙亦來同觀宵閱報

廿六日寅甲晴熱家中嘗新李激芳內弟以其子玉炯

拜余為義父囑僕攜糕果贈之過縣署催蔡紫生
繕辦各貢監省試錄科冊卷丁田張震軒妹丈來卓午
館主人邀余食新辭之偕伍鳳樓表伯過鋪兒橋老屋
一視以鍾老田遷移他處而屋交還予家也表伯行步之
間舉足無力如飛燕身輕不勝掌上之舞妍見之甚駭身
汗幾乎浹背幸遇 表弟即為扶掖而歸宵邀李

慶章內弟震軒妹丈雲苓禪菊玉君周元來試新留軒兄宿
廿七日祀晴熱天早少雨張震軒妹丈駕舟歸在館校求
古精舍金石圖此書係烏程陳抱之經先生所輯先曾大
父附有跋語手自書成刻摹上版下有圖章二方一為陰

文從頰私印四字一為陽文玉甌山人四字昨夕震軒過
孫季恒詒揆公子家見之言于余即假而閱之細為一校中
間互有異同均列眉批以備他時刊刻可也夕校點皇朝
經世文編德窩不至宵閱明通鑑

廿八日丙辰晴熱在館終日校點皇朝經世文編遣僕攜金石
圖本送還季恒公子徐遠梅携其子肇祥來認字德窩
不至聞本日大沙堤街頭巷尾患霍亂之症者六七十人即時
化去館東乞余停課數日後街鄰舍有名乃寶者陟患時
疫危急十分宵閱三國史

廿九日丁朝晴熱因道途間戾氣未平不到館聞隔鄰王

曉周夫人患此症夕小雨曉周之弟卓人亦染此症均沈重十分薄暮遣僕往館取新民叢報第十一冊而回宵李彬臣表兄來談片頃去獨坐沈悶感憤時艱世上生人比之烟雲過眼倏往倏來轉瞬皆空何名何利試問蜃樓海市霎時見影其久乎其暫乎言念及此不禁惻然倚枕竟夜輾轉難安五漏已下比鄰哭聲陡起側耳聞之知三人相伴往泉臺矣浮生若夢作如是觀

三十日戊晴熱朝隔岸陳友珍送早季祖穀來夕檢閱舊時存檔案牘薄暮季禪菊表兄弟來宵大風沈悶不堪伏案而睡五漏報罷始醒是夜小雨

七月朔日己晴旋陰朝裱釘辦送各貢監錄科冊卷李蘊齋表兄來夕過縣署袖冊子交王玉卿遷渠進署中遊覽以盛明府攜眷上郡招工修葺林明府未經移居官署無人攔阻故約同遊也聞洪子遷表伯得疾甚重想有性命之虞薄暮聞雷宵西風驟起始得耗音中心納悶伏几而眠是夜小雨

初二日庚晴末伏終日作縣決科

四書義題 國人皆曰賢然 後察之

午刻往惜字局全楊穉田先生收買字紙宵作論

題唐

屢播遷克復舊物宋一南渡遂失中原論

四鼓脫稿五更小雨

初三日辛晴西風竟日着身微覺燥熱天時不正宜

加意珍攝為佳抄決科卷申刻交繳是日諸家婦女往
陶尖殿拜經以祈福余往觀之田高升未得恙頗危薄
暮過禱菊羽儀家一坐宵疎雨

初四日壬晴小雨在家閱中外日報宵閱袁文箋正

初五日亥癸晴熱立秋節朝邊劉老元往街市購素食數色

以作拜經者之需成七言二律唐叔玉黼墀孝廉將有河南

之行故贈以誌別近午遣陳碎琳攜錄科公文送交丁田

張震軒妹丈處又錄本日所作詩乞為一改彬臣來宵閱報

唐叔玉黼墀孝廉分發河南詩以誌別

官渡桃花傍柳開長安人喜日邊來君自孝廉銓選知縣今春陞見籤分河南

蛟龍本是非凡種騏驥原儲遠到才元鼎廉明崇吏治

子方清介仰風裁梅傳字元鼎知登封縣唐介字子方宋時人有清節汴梁自古推名

郡肯作遨遊托酒杯

初六日甲子晴熱朝閱中外日報柎兒肝熱稍覺腹中作

痛邊彬臣表兄一診留午餐過西北蒙學堂與管君一譚

有人來報家僕李全通在羽儀妹丈家猝患急痧十分危殆余聞而失措邀彬臣禪菊二中表診視用清心丸川樸等藥投下熱汗透出始覺精神稍清我心遂定托鄭一山錄送行詩贈唐君赤玉薄暮大雷雨赤玉夫人黃氏來妹家辭行宵倚枕不成寐者終夜

初七日丑朝踈雨邀李禪菊表弟過妹家為僕人阿全一診謂可占勿藥聞之甚喜遂與作伴而歸夕晴錄先曾祖遺稟聞許祝酉孝廉感暑甚重病入膏肓恐不可救藥宵悶坐無聊眠甚早至夜半始起閱事類統編初八日寅晴熱朝看先曾祖殘稟夕張震軒妹丈遣時

元公來段去五紵彙解三十二冊寫函并封程儀英蚨三元贈之宵閱事類統編代李蘊齋表兄成輓周氏表姊聯羨桓君賢淑可風如賓相敬節儉持家挽鹿一何勞方期息影田廬林下偕臧成白首憐奉倩神傷失偶鍼綫猶存桂絃已斷跨鸞竟永訣剩有少年兒輩堂前呱泣代酸心初九日卯晴熱朝訪蔡紫生取戴成琦錄科文夕鄭小谷相邀到陶尖廟商酌祀天禮儀近為城間疫氣盛行同社諸人齋宿致祭告天并欲禳災也宵月有暈小劉元過訪初十日辰晴熱朝往廟中寫祈天禮節交門房送進縣署欲請縣尊主祭也夕劉老元代余彙釘日報自本

年正月初五日起至三月十五日止以半月為一冊計裝成
五本宵同社諸君舉行郊天禮列庭燎以陶尖廟為置
祭所正獻通贊池寅三引贊胡雪帆司帛彭耀卿讀祝
蔡逸仲地主分獻贊襄管杏浦周榴仙東廡陪案分獻
官縣丞執事為徐昭甫余味蘭西廡陪案分獻官典史
執事為姜嶽仙與余也頂禮告天三鼓始回

十一日己晴熱黑早雇小舟二人打漿全劉老元兄往穗
豐徐來英處收取結費劉凌霄化鵬代為說情取來英
帑二翼徐君頗加意款余邀飯又過黃

秉錢家渠

已赴省試不值順途過丁田至妹家吃小點知震軒妹丈

已于初九晚晨候輪舶到溫也坐談半頃返舟日色

沉西聞河鄉北向一帶疫氣較起惟東山下埠九里上塢

穗豐等村最盛劉慕山興邦鎮軍于午刻在任病故宵閱報

十二日庚朝晴伏畢曠課十有四日矣今晨始到館與宋

平子先生坐談平子謂季范延曙亦侄近日持論太新

言頗激烈恐招口舌之禍余對以此少年意氣未平之

故若俟至四五年後世情閱歷必將變一番議論矣先

生是余言且自述近來成一聯語云不分物我惟求是

兼愛己人稍近公以見到中年其寓意與少壯不同也

夕大雷雨校點皇朝經世文編是日樽兒櫛兒身感瘧

氣但寒熱分清可無他慮宵倦早眠

十三日辛朝晴夕雷在館校點皇朝經世文宵眠甚早
十四日壬晴朝在家閱中外日報午刻往趙羽儀妹家
食新夕倦睡半日李禪菊表弟來宵眠甚早

十五日癸晴在館校點皇朝經世文編宵劉老元送贈
忠靖王辟瘟符

十六日甲晴熱天早執香送地主神至集真觀為合
邑告天驅疫之計在館校點皇朝經世文編季凡代余
向楊志齡兄處購來周禮政要二冊書為孫榴願先生
所著宵全管杏浦往保泰局時合邑士民擇今夜祈天

禳疫請官僚登祭挽余去襄事也更深歸倚枕不成寐
坐至四鼓聞刹唵聲杏浦兄薛玉坡來邀余整衣冠出
門在神前執香飽餐一頓始為偕行

十七日乙晴熱是日諸神出駕驅疫余同諸君在神
前執香至申始歸宵初收耗之鼓淵淵作聲心驚眠早
十八日丙晴熱朝在家閱中外日報午刻設饌祭祖夕

倦寐半日宵深聞鬼聲心驚不成寐起坐閱家藏書札

十九日丁朝晴入館季凡代余購來密斯亞丹原富

甲乙丙共三冊價洋乙圓三角郵費在內夕雷雨校點

皇朝經世文編薄暮正和信局送到中外日報披閱之

下知吾浙正考官朱益謙艾卿過東省境中暑而逝副考

官李家駒柳谿亦染疫氣而得疾甚矣流疫之染人如此

也宵倦伏枕頗早其夜雨

二十日寅雨晴不定頗得秋涼在館送到新民叢報第

十二冊宵閱同文滬報

廿一日卯祀處暑節黑早雨旋晴在館全張蔚文蔚刺史

坐談半日自謂半生所歷火厄水厄刀兵之險無不嘗

試即今大疫流行朝不謀夕亦惟聽天由命而已宵雨

閱事類統編

廿二日辰晴旋雨朝買舟到丁田申刻歸權過東門外

見行人來往轆前數日稍覺熱鬧也宵閱圖繪寶鑑

廿三日巳辛在館閱中外日報午刻大雨旋霽宵成輓聯

二一表姊柔嘉維則淑儀不生女宗共作外家親我亦

盧綸姊弟同呼中表戚相敬如賓饁耨竟虛內助未

酬偕隱願客憐冀缺田廬忍聽輟耕歌王生南渡後

專家工畫溯太原門第醒庵進士元叟大夫妙筆最清

新期君捧硯傳芬無負先人能繼業諸子中五載從

遊過賦茗樓居明遠已亡仲宣又去少年今零落令我

撫懷感舊不堪往事竟成塵

廿四日午壬天早雨旋晴在館閱中外日報夕雨張蔚

文代余書摺扇為錄舊作并獲觀詩冊讀其諸詠要皆
經歷之處紀詳人物風土繙閱之下其景象如在目前
昔人謂輜軒採風此詩足以當之宵閱那文毅公奏議
近數日城間疫氣畧覺平靜心為一寬

附錄

和姜七雲廣文留別元韻 萍聚天涯幾士林惟

君獨抱濟時心畫臨松雪毫濡墨詩詠香山字鍊金未脫
囊中毛遂穎先聽海上伯牙琴譜成一曲梅花淚水部交
情深復深春風如翦雨如絲惆悵津沽送別時魯酒頻
斟須更盡吳帆歸去莫教遲從今誰與賡同調此後能
無憶故知屈指尊鱸鄉味美幾多佳興入新詩他鄉回

憶故園林歸去來辭忽在心飲羨淳于容一石笑看西子
擲千金揚雄腹笥多奇字那忘脣鋒善論琴知己二三
纔聚首遽教離別感春深交情異地遇袁絲樽酒論文
半載時一曲連錢偏唱早數行珠屑莫教遲折將桂蕊看
君貴餘却梅花孰我知此去吾杭應更勝蘇公隄外好吟
詩次韻俞芷春茂才公餘述懷雅唱溟渤培風萬
里過鯤鵬得路莫蹉跎水歸巨壑知深淺石借他山好琢
磨此去奇文欣賞共從來大器晚成多蜃樓海市饒佳興
都入東坡醉後歌手握明珠惜暗投故教北轍作東遊
乞將春色雕新句好藉滄波沆舊愁君為蛾眉常見嫉予

非肉食遠無謀封侯果遂平生願
曷不從今學伎求風塵奔走漫云勞
首路如僧慣打包谷讓流鶯先擇木
梁辭舊燕別營巢懷才莫道詩書誤
有志休將歲月拋艤櫂欲歸歸未得
洲橫宿莽恨難消有感回首鄉園繫
舊恩良朋相聚酒傾危偶填詞句終
嫌俗欣得文章共賞奇秋丹春花空
春戀南轅北轍枉奔馳豈知科第非
吾分無計翻吟出谷詩有懷投筆到
津沽捧檄偏教督匠徒持算莫嗤初
握管披圖輒愧漫探觚細尋妙藥思
窺奧靜玩靈機喜舉隅相與考工明
賞罰若論功過敢糊塗
通勉送公正十年一朝揮斥意茫然
都緣激厲風雷

勇敢怨栽莠雨露偏燕壘雖新終戀舊
鶯喬尚阻未容遷合離萍跡原無定
命運窮通聽自天此身縱使逐風塵
清白安教失本真每欲潛修思謝客
未能自立愧求人壇登拜將誰推信
金盡歸家合笑秦施粟贈袍今不古
疇云方朔總長貧五斗休嗤願折腰
藉藏鳩拙好道遙心平且喜消於躁
才美毋教騁吝驕任爾得名榮里黨
笑予溷跡類漁樵無聊輒約知音友
詩酒移情樂暮朝天道無私豈渺茫
區分善惡降祥殃胡為制器胸臆
藏劍底事論人舌鼓簧急起修身敦
士行思量立品肅官方相規慎勿傷
陰瀉積德須知獲福長贊廷仁兄隨節

出洋敬賦四律奉送行旌藉誌鴻爪 天涯寥廓幾知心
 交誼惟君分外深 萍聚偏多歸別浦 苔生雖異出同岑
 玉攻曾取山中石 音賞如聽海上琴 聞道遠行今有日 從
 遊待向赤松尋 試言倚馬學青蓮 笑過尋常一輩賢 昔
 日已投班子筆 今朝又著祖生鞭 鯨魚跋浪終歸海 鵬鳥搏風
 欲上參天此去立功加努力 英姿待看繪凌烟 豪傑覓封萬里
 侯 乘槎重踐昔年遊 雄飛豈肯猶雌伏 大志居然有遠謀 異
 域好尋鴻爪印 故鄉盡把雁書修 與君別後思無已 待及
 瓜時又幾秋 美洲開闢百年餘 文物聲名自一區 杯酒從容
 傳揖讓 局棋辛苦笑征誅 琪花瑤草家家有 塊雨條風歲

歲無縱是西芳安樂地 倦遊應憶舊田廬

庚子夏五津沽
變起倉卒余避

寇居鄉逾三閱月門初返衛重九旋既方遷樂土即訂良緣雖係
人功實叨天眷登臨高閣會集羣賢即景有懷率成俚句四章 聯軍

入寇勢猖狂 一旦畿疆作戰場 誤國庸臣應殄戮 和戎元
 老費參商 嗟予村寄勞賢僕 挈眷途窮泣異鄉 幸附慈
 航叨救濟 歸來深慰外高堂 不棄貧寒倍愛憐 留居甥
 館似當年 弟兄相見欣攜手 師友重逢笑拍肩 裘敝黑貂
 慙故我 巢增紫燕羨羣賢 閉門休問中原事 倦讀還思
 學坐禪 連朝喜鵲噪牆隈 入夜燈花並蒂開 天遣有緣
 千里至 宦遊無恙一家回 接風曾賞陶籬菊 待雪將尋
 庾嶺梅 聞道城東多勝景 寄懷山水買舟來 魏我高

閣入雲端山色湖光眼界寬
豈小阮劉陪酒宴應多李杜
步詩壇怡情莫笑談三國
遣興何妨博百官願共名流
往哲時來此地一盤桓

廿五日癸晴熱在館閱中外日報宵改潘震炯窗課卷
廿六日甲晴熱朝訪鄭一山屬書軸聯送九里在館改潘震
炯意課卷午刻歸家就浴宵腹中作痛竊意日午出門被
暑氣感入吃正氣丸數粒始平

廿七日乙晴旋雨東北風大起殆有颶風之災終日在館覺
腹中作痛心懷不暢閱明通鑑葉蘭垞代余向葉君墨卿
翰鏤成藏書印章一顆宵閱竹園文彙

廿八日丙風雨交作不在館閱菜園齋談宵閱文明小史

廿九日亥晴在館閱明通鑑午刻風定宵閱竹園文集

八月初一日戊晴在館許德窩來閱男女育兒新法此書係
日本醫學士中井龍之助原著中國誘民子所譯立論頗有
見道語薄暮訪許柅村表兄宵閱明通鑑

初二日己晴在館作孝廉堂題明師課大祖論申後脫稿是日

館中女僕論丁酉之歲曾隨宋平子衡客居申江四方諸名士

均來訪宋君如康南海梁任公譚瀏陽汪穰卿章枚亦聲名
藉藉者流都為識面余聞而心羨之柔弱女人猶能隨主出
遊親見羣賢習聆論議吾輩書生徒自呶唔窗下拘等井

蛙守如屈蠖古云中惘易為鬚眉我本丈夫反同中惘貽
笑女流真足鄙也宵閱歷代史論

初三日寅晴竈君誕日在館許德窩來讀書潤色昨日

所作論信句送到葉墨卿印章一顆刻工六分宵另抄論文一過

初四日晴朝訪山兄袖所作論托抄已刻入館閱新民叢

報申研丁田舟子來乘其船往妹家上燈時始至宵坐話甚久

初五日壬辰晴朝家振三兄過訪至其家一譚陳碎琳自城

中來說張震軒妹丈滬上所寄平安家書已到即辭出拆

封閱過得書中所叙行程細為妹子述之夕以摺扇向李

琴軒松索畫彙為繪菊以贈全窩寢二甥兒坐池邊看金

魚戲水頗得濠濮間意前林族人景祥培吉來談宵與妹
坐話家事至三鼓

初六日癸巳晴朝自丁田歸夕入館季芑交余新民叢報第十

三冊宵過趙羽儀妹丈家一坐

初七日甲午晴白露節在館閱新民叢報孫君中愷攜其子

延曙過館一談宵看七修類彙

初八日乙未晴遣陳粹琳往銅乾收報金在館閱高青邱詩

集薄暮偕劉元兄往各新進處收結費數目未得頭緒宵看

七修類彙李雲苓表弟來談

初九日丙申晴遣陳碎琳往銅乾收早季祖穀在館改葉奇

願窗課卷宵全余味蘭在方曉畦家過宿以是夜五鼓丁祭至聖先師余亦在分獻執事列也

初十日酉晴朝在館因昨夕失眠精神困憊假寐半日夕補改葉奇願窗卷為西北蒙學堂今春創辦諸項管吳二教習曾先墊付同人邀議暫行挪措余居司事之列全姜嶽仙步名寫就借券以作壓也計數英蚨八十翼薄暮借劉元兄往各處收取結費無一豪氣者聞疫氣又起木藜仙先生項雪槎忽然作古可駭也宵眠甚早

十一日戌晴在館補抄青邱詩缺幅宵初趙羽儀妹丈來招飲十二日亥晴在館補抄青邱詩薄暮過庫書薛松如家與

李君仲谷遇結算本春祭款取來英蚨五翼而回陳碎琳自銅乾還稱得租穀乙千二百斤宵過彭鳳華處取結費約以節過綴楚

十三日庚朝細雨着泥不見濕旋霽遣陳粹琳往周村瑋徐家取結費在館補抄青邱詩卓午對諸生曰中秋節近我家賬務瑣雜將乞援于錢神課讀無心不若放假數日聊作安排以寬余慮遂歸夕過縣署訪蔡紫生問渠前日辦錄科文費可有贏餘否對以尾欠尚多恐難應急余唯唯宵天宇無雲先期開筵賞月為高堂明晨往丁田妹家作數日盤桓也遂趙羽儀妹丈全飲王質甫來取補廩辦文費付

以英洋一圓制錢四百完渠前數更深愛月不寐訪李穉菊一談
十四日辛晴熱晨刻遣陳碎琳往薛里績卿家收取結費接
到張震軒妹丈自武林所發第二號家書開緘披覽始知均
慶平康中言前月杭城染疫者計遭蹋二萬餘人近喜平復
如舊廿三四日炎熱異常廿七日天降時雨頗得清涼云云計
其時庚溫郡適起大風但雨點則較疎耳閱畢遂隨萱堂
駕舟往下田袖函述為妹聽以寬其懷約以明日書一覆函
以達軒兄聊慰旅情薄暮始返權月光照水幾如萬道金
蛇舉首高瞻蟾宮桂子香覺飄自雲外直令人作飛僊
凌虛之想矣更深抵家飯後遇李岳丈家一譚遇葉雲村

十五日壬晴熱朝作覆張震軒妹丈函夕劉老元來代余

彙釘日報計二冊聞季繹堂朝樞先生于昨宵染疫而逝矣

更初趙羽儀妹丈來招飲與吾妹梅兒暨儀兄作團樂宴中

天鏡月不染一塵今夕良辰清光獨滿余乃開懷暢飲二漏始罷

覆震軒妹丈書八月上浣五日郵局遞到滬上所發第一號家書中浣

四日又遞到武林所發第二號家書捧誦之餘知文旌駐省

福履亨嘉千里馳情無任抃頌弟邇來株守蓬門青瑣故我

代人作嫁歲月優游加之見等蛙拘藏如鳩拙雖日親毛

穎洒近腐儒不工為時世粧難免為賢者所姍笑凡方足

踏省門才呈棘院當鷺嶺香飄之日正蟾宮月滿之時轉

瞬蜚聲秋風得意以視弟之甘為村夫子以長絮短奚啻
天淵耶溫郡一帶疫氣近日漸次平靜貴鄉汀川頗賴神
庥未見分毫騷擾其餘村落間亦有之惟東山梅頭石江巖
下諸處則較甚焉前月廿七八兩日西風大作雨水則盡稀
微今又亢晴半月高田一帶禾稻乾枯而土壤日形龜坼
前既突遇乾風茲又屢遭日曝未知後月可卜有秋否然
暑氣視前為稍退耳弟自兄榮行後親到尊舍約計
四次家慈近在貴處盤桓舍妹居家安排內政井井有
條頗得寬裕而身子更康健勝常蓮雲綿三甥女寓成
豐三甥兒均賴福履快活十倍差堪告慰舍下自家慈

以次都獲平康諸舅氏家暨各處親戚大小亦交相慶迴
念前月城邑不可狀之景象吾輩諸親幸得如此豫順以
之作團樂宴會非特鄙人私為歌祝即吾兄聞之想亦
增一番快愉也至兄同伴諸君渠家中亦俱泰適毋庸
遠注舍夫人欲購各色散線及衣綫六糸等件如購之便
不妨多買以杭城絲貨較吾甌製作差勝一籌也敝徒孫
季芄托購譯出新書名記憶共三部此書係井上圓了所著
每部定價二角五分在杭城銀洞橋日文學堂寄售祈為代購倘有
新出各書兄若囊橐有餘懇祈擇其尤者代謀一二書值
若干俟兄旋里當如數面繳弟盼望尊札時經半月本

擬接到時即作平安竹報聊慰 兄懷奈輪舶停展一期

竟爾紆緩雲天兩地遙企提音而此肅覆順請 元安伏

惟朗鑒不莊 中秋日 內平安家言煩貴句帶至杭省郵局轉置大東門直街福聖巷雙眼井頭同馥春酒店隔壁史家確呈

十六日 喉晴天早聞隔舍許寶錢呼余曰有客來訪君欲

迎之已排圍而入見其人若非素識者遂詢其所自知為前

月往穗豐徐家曾覩一面邵其姓宗臣其名號紫巖永嘉

場人前五辰歲經陳 六舟 彝學使取入邑庠近以功牌改入

武班余信之留早餐謂瑞城素未經過聞邑多先達且

聆劉君化鵬之言知余館于孫氏欲一見之邊余偕往竊意

今晨日子不佳本未上館因彼強挽故全到孫氏學塾與季

芄奇頤二門人相見坐談半日留午膳茶話間叩以上官為何

姓名左右哨官何等出身軍營規矩若何佈置語涉含糊

與數典忘祖者同心始疑之其去也欲訪教諭黃炳華 文升

學師之神弟自言異地生疎邊館僕導之而行別後靜坐

默思彼既身列膠庠何為粗鄙乃爾具此疑團難為捉摸奇

頤送來新民叢報第十四冊夕補抄青邱詩宵過趙妹丈家

十七日 甲辰 晴朝往館邵雲生世兄偕紫巖在馬紫巖行止

頗近粗野心甚厭之自理館課不之顧近午始去許德寓

來讀書夕抄青邱詩宵閱新民叢報至駐日公使蔡鈞拒

留學生不送入成城學校又遣警察拘捕吳敬恒等誣罵

上之罪余以為既作外邦公使應張我國威風且為之計宜
于有志之士出洋遊歷送之不遑何敢暗阻保之不巳何事于
拘吳秦諸人心殷學道苦口陳詞雖近強項之行亦蔡公使
自貽之咎耳今者治尚維新未見成效縱學堂林立視為
具文吾知一蔡公使駐日尚且如此何論其他如蔡使者腰金
披紫禽獸不如用此輩為官家國之亡可立而待也閱竟五內
含憤特筆誌之

十八日乙朝晴遣陳粹琳往周村上埠徐家江上鄭家收取
結費趙羽儀妹丈因派發兵米向余糴去早穀八百九十斤
在館抄青邱集夕東風大作頗有雨意季芄出乃翁止庵

先生家訓數則以觀語語皆關至性中叙其太翁魯臣先生
戒子孫集四書以為楹語云但願潤身不潤屋雖無恒產有恒
心又自述應試歲列高等食餼試帖詩為陳石士用光學使
所契賞題賦浔池塘生春草首二句云東風吹夢斷芳草已
離離玩其發端已擅勝場全體精神剛勁可想其藁均係
先生八十時所手錄也薄暮小雨宵伏枕甚早

十九日丙陰朝往館孫中閻公子過訪坐談頗久去邵紫巖
又至余疑其行蹤詭秘心甚鄙之惟不敢明言但援隱語
以為諷彼覺而竟不我親後恐余之覷破飾詞遮掩殊不
知余早目其為不善類而如見肺肝矣近午遂喪氣而去

夕邵雲生世兄至謂紫巖言虛行詐近于穿窬子述其居處為永嘉場人我則聞其自述為溫郡城底為邵子琳之子人係一身何兩不相符若此且謊言余與季芑均與渠通譜者聞其言中心憤怒恨不即刻遇之飽我囊劍方洩積怨抄青邱集缺幅宵閱中外日報

二十日打晴熱在館抄青邱詩九里潘震炯來不值章味三孝廉送來所題聲香色味圖七言四絕索予全和并約今夕過其廬一譚薄暮雷電不雨過李岳丈家坐頃歸宵初雨下一陣遣陳粹琳持簡報章君其文云尊作四章敬以善露盥手捧讀矣承囑步和理應報命但僕蛙蚓微

吟不足當鳳鸞清韻也俟勉為之乞勿見諒今宵為俗事羈絆不遑造廬晤教殊深抱歛約以來宵幸其恕之某叩更深挑燈悶坐四鼓始睡

廿一日申陰朝雨訪鄭一山聞是日林明府以天久不雨高田缺水稻禾漸見枯槁禁止屠宰投牒城隍神以祈甘霖聊慰農望在館補抄青邱集缺幅夕陰全季芑奇願過其兄中閨家一譚宵早眠

廿二日配陰日暫見在館抄高青邱詩聞洪黻廷錦雲染病於申刻歿故矣郡城疫氣復盛一日之間亡者不下數十吁可畏也宵閱中外日報

廿三日庚戌陰秋分節日暫見西風頗大辰刻內子腹痛余以

動作太勞也特訪李穉菊一問開來十三味一服炙上芪子生白芍投下未

久即時分婉幸舉一男中心稍慰過趙羽儀妹丈家報喜

信午刻遣陳碎琳往丁田代叩慈母安并報生男之慶夕

倚枕閱中外日報宵過李西垣岳丈家葉雲村僚壻亦至

諸內弟相邀代向乃翁前進說願為析產以分効親勞

酌議頗久慶璋內弟近困烟酒苦口規勸語甚激烈渠

惟垂頭默默余自恨失言三漏報罷而歸

廿四日辛亥晴在館朝抄青邱詩夕作輓聯二一送許中一送表弟近我

望江廬憶橫塘家學相承鄉薦有年清德一門推小阮憐

君遊幕客盼湘浦水雲隔斷魂歸何處秋風萬里度南岡

一代李岳丈挽蔣渭泉處世期大亨眾望君真抱石磊落才最難一語解

紛不愧魯連高蹈士中原方日事富强我甘溷市廛跡太

息知心已逝誰參管子理財書宵過李岳丈家與友推

內第一談是夜西風頗燥

廿五日子壬子晴辰刻聞昨夕輪舶已到温矣往省城歸者得有

數十餘人訪周榴仙坐談渠曾感風不適頃之到館午刻

訪余君松舫知震軒妹丈已旋里前在省患瘧頗委頓近

來精神較佳而肌膚則消瘦耳過羽儀處邊飯夕入館代

鶴坡舅氏作挽蔣涓泉聯伯齡係姪旦第三子不愧象賢
與君累世通家厚誼舊難忘共證里居依峴麓史遷編
貨殖為一書發明商學慚我棄儒業賈斯人今已逝借誰
市隱瀆陶朱宵訪鄭一山

廿六日^丑晴辰往裕生布庄剪軸料送許家買舟到丁田
省母并訪軒兄覺渠精神困憊貌肖癯僊須宜靜養為
佳申後返權抵家已更深矣蔚文表侄今宵花燭不及往
中心甚歎閱中外日報

廿七日^{甲寅}晴雨澤愆期將一月矣晨刻奉惠祐王出東郊
祈雨余嫌身子未潔不去往彬臣表兄處道賀入館送來

新民叢報第十五冊午刻在彬兄家飲開房酒周幼仙姜嶽
仙同席申後訪孫中愷公子楊拙廬在焉宵歸閱報

廿八日^卯晴在館是日天薄作雲畧有雨意閱日報宵閱通父詩存
廿九日^{丙辰}晴在館作題適園記四絕午刻自館中歸聞李友蓮
內弟感疫于是日已刻歿故不勝駭異遂至岳家一唁漱芳內
弟恐一時開費難售假去英蚨二翼小錢二吊宵為璋弟送殮

洪棟園夫子命題適園記後謹呈四絕句

誰悟蒙莊物外身真偏疑幻幻疑真光陰過客渾如夢
且喜名園有主人

大地山河萬古同蜃樓海市霎成空榮枯何必繫方寸

都在盧生一枕中

何時鑿破此情關但遇生公石不頑絕却塵緣脫羈束
豈須棲隱買青山

瑯環福地任軒渠許讀人間未見書動與天游超迹象
先生寓意在鳶魚

三十日訂晴在館見燕子飛集空中將有話別之意物
猶如此人豈無心因成七言四律并附以跋午後潘震炯
過訪坐談頗久宵閱中外日報

秋燕四律

綠減長亭問柳梢年年蹤跡托衡茅驚心秋塞催寒信

回首春風感舊巢羈客懷深同證夢主人情重莫忘交
楚南燕北途千里祇有斜陽餞遠郊

予尾脩脩迄未休驚心大火正西流關河迢遞難為別
壁壘經營直到秋青草堤邊雙隻堠碧蘆江上去來舟
此身誰復憐辛苦不及清閒一白鷗

代飛今日遇征鴻泥雪留痕兩印同有憾烏衣離故國
無邊綠水逐飄蓬惱人雨夜馳鄉夢老我塵途作寓公
聞道侯門深似海須防捐扇報金風

滄江空濶欲何之屈指行程怕唱驪天氣不無寒暖候
人生豈少別離時一春補壘成前事三月于飛訂後期

願與鯤鵬參變化冲霄鼓翼到華池

歲云秋矣燕將北去天空飛集不啻數十百羣語作呢喃有如話別人情作客柳往雪來跋涉征途半生勞瘁殆同然歟余有所觸聊以托鳥言情云爾壬寅秋仲下澣十日燕正北歸時也壑雲居士記於海日樓中

九月朔日戊午晴在館成題聲色香味圖四絕此首蔡笑

秋韻菊女史為達西上人繪作聲鐘經琴色山茶水仙香

爐蘭蓮木祥味菜蘿蔔諫果木鐘花巧思入啟而畫法高致猶

夜來香其次也章季遠孝廉題之邀和因勉為之季凡出宋平子衡

先生所作止庵老人行狀一觀篇幅甚長約有二千餘字

中間鋪叙今日中西學界言之瞭如洵一代好文章也茲

已遞函江蘇德清曲園居士俞蔭甫先生乞作墓誌即以

此本寄覽因中愷忱未公子為止園先生於冬十一月行寔

穿之舉故欲了此事也宵閱中外日報

蔡笑秋女史為達西上人作聲色香味圖奇想天開而筆

致秀挺猶其次也章季遠孝廉獻猷題之屬余同和

五夜清聲攪夢時慣攜經卷誦牟尼晨鐘甫定琴

留韻祇許空山老衲知

佛家空色兩無關點化誰能破石頑水月鏡花皆

是幻優曇現在一時間

領畧清香鼻觀聞博山細屑待爐薰秋來庭院涼

如水一段氤氳化作雲

筍蔬有味好參禪。證果生登自在天。到此無言參
古本一杯佳茗一甌泉。

附原作

上界鐘聲何處尋。閒翻貝葉撫瑤琴。化工也
破僧齋寐。巾幘曾襟菩薩心。

山水清幽月景新。却將三友寫精神。豈知妙
筆澁虛幻。色相原來是化身。

半生香火結因緣。相管默參書畫禪。空谷無
人花自放。如來世界悟三千。

果實離離綠滿畦。茶初燈地證菩提。箇中風
味空中領。寫出閒情在翠閨。

初二日起晴。孫季恒公子歿後。其家代為開弔。是日渠弟
侄輩皆不到館。放假一日。朝全田高升坐話。夕閱明通鑑。作
師課張璠論未完篇。薄暮訪鄭一山。謂師課卷已送閱。逾
期不及。遂敗興。而回宵改潘震炯卷。

初三日庚申。稍晨。全季芸苓往蔣滌泉前輩家。為其季弟
渭泉弔祭。轉過許遜梅表伯處。為中笙表弟弔唁。入館抄
青邱集缺幅。午刻李蘊齋表兄至。托渠將震炯卷交使人。

遞送九里宵。在李岳丈家。與諸內弟坐談。葉雲村在焉。

初四日辛酉。晴朝。洪授齡表兄為其尊人子遷先生開弔。全孫
季芄葉奇。願往拜之。在館改許德寫窗卷。夕抄青邱集缺

幅為延果延暉寫夾影紙宵閱中外日報

初五日壬戌晴余生日今年四十矣進德修業之學毫無一得
有愧于古人良多是晨李岳丈貺予麵桃數色以符壽徵辱
承厚賜即去謝之在館抄青邱集宵初友樵內弟邀鄭一山
為其仲弟友蓮題銘旌并出所撰輓聯邀予改作云回首三
十年時失幼時同嘗艱苦幸蘆衣寒免恩厚繼慈聚順長
相期共依膝下承歡白髮高堂聊慰願沈疴六七日醫無良
藥竟入膏肓奈荆樹枝分語成虛讖仲歸何太速每向風前
洒涕青山落葉助悲秋葉雲村亦在歸已三漏下矣
初六日癸亥晴先大父生長晨往胡魯鄉家為其尊堂孺

人弔唁在館錄覺顛冥大同篇留頤先生以太篇抄青邱集
缺幅葉耕經過訪宵閱中外日報
附錄

留頤居士

太西人痛斥術數之學如一切選擇堪輿星命卜筮與
夫思蒙災異之說全無根據而華人酷信之為民智未開
之一端其持論甚精然此等方術在中國亦間有微驗精
於其術者往往奇中故雖通人達士亦不敢悍然犯之而西
人亦謂攷覽中史天文占驗在中土自有效應中有西無此
義不能兩立余嘗深思其故矣蓋天地間有最精之微氣西
人謂之以太亦曰以脫凡地球外空氣包裹漸遠則漸薄不過

數百里即幾成真空。惟以太則彌滿大千世界。豪無間隙。光電即藉之以傳動。植諸物亦資之以生。天演進化之理。人物體性皆由簡而進于繁。即以太自然化成。豈真有機匠一一構造之哉。即無機之物如金石礦質之類。其中亦有以太。故各有愛憎特性。為化分化合之原。人得之為腦氣。西人謂人有電氣亦年此也。又凡人精神所專注。便暗中結成鼓盪之火力。西人有夢學。能以術將己之意移入他人腦中。使如我之意發為言語。丁韋良謂彼國實有此事。但須視人之電氣多少。不必人人能行。而西書中治心免病法。謂以太能使人愈病。又謂人有病不可使疑懼。即家人親友代為憂慮。亦能累及病人。

使增劇者。其理至精實。非謾語。莊子所謂用志不紛。乃凝于神。及佛書所謂三界唯心。造皆此理也。中國術數家言自商周迄今三四千年。沿襲彌盛。數百兆人信之者十逾七八。人人心目中有一事。其以太凝結之深固。與鼓盪之力量。均不可思議。機動效應。吉凶遂隨之以生。故其術往往奇中。亦即此理也。西國民智之開。近二百年。人人灼然知此等之不足信。心目中全無其事故。以中國術數之學。施之彼土。亦必不驗。中國則民智初開。此等見解。必須漸化。不能一旦決撒藩籬。豪無掛碍。故我輩亦不必悍然犯之。誠恐一經說破。則心中不免微留障碍。即使本人知其不經。而旁觀之人代為疑慮。亦能牽動。

以太招惹悔吝俗語疑心生暗鬼信不誣也

初七日甲子晴朝袖近作詩謁洪棟園師改削談頃到館抄高青

邱詩集缺幅午刻宋平子為其尊堂孺人祭奠邀余偕胡

雪帆先生相禮胡君談及昔歲曾繪念萱圖索止庵籀頤二

先生題之又覓他名手一題均謂二詩已壓倒元白其餘子不足

數也止庵老人詩云北堂萱草碧葳蕤欲報春暉鬢已絲六

十韶光如過隙機聲燈影憶兒時籀頤先生詩步家仲父

韻云瓊妃蘭芽長玉蕤愴懷萱蔭淚如絲中年我亦傷孤

露愁聽機聲課讀時俱以對面寫來自抒懷抱是為佳也

胡自題云菽水能謀不逮親函尚追慕倍傷神未完兒女

尋常債虛度光陰六十春好寫好詩難免俗不畊不獲竟

忘貧予生倘得長生術花甲已週願再輪讀此真有夫人

奴婢上下床之別矣宋家設席相待在座者孫中愷忱亦二

公子葉奇頤及余季芃以喉間稍覺不適故不來夕代李玉

君改作題沈秀峯美人梅花寒睡圖絕詩張震軒妹丈遣

人送來壽禮四色并持贈萬國歷史一冊價英洋一元強聒書社

策論上下二冊歷史之書實為教科指南其備載萬國地

名人名觀之直覺瞭如又高頭有對譯表洵佳本也強聒

則落下乘矣宵閱歷史

題沈秀峯美人梅花寒睡圖

脫盡塵緣了宿因誰將冰雪

初八日丑晴寒露節朝為五兒咳名燠樅二字邊鄭一山兄
書之往館補抄高詩缺幅宵初以設壇北郊祈雨過鄭筱
谷先生家一議

初九日寅晴先夫母忌日朝丁田夏佩哥來知震軒妹丈
近日精力稍復欲覓魚鮮以適口代為購取一二色也邀午餐
夕過岳丈處與友樵內弟坐談宵閱新民叢報

初十日卯晴朝往館補抄高青邱集缺幅夕閱萬國曆
史宵閱新民叢報

十一日辰陰晨起聞鳩聲在館出課題

賈似道論夕偕管

杏浦姜嶽仙薛玉坡過西南學堂酌議仿行彩票恐明歲等

辦經費難為後繼故作此議孫中容先生亦到會又說聯合四
隅蒙學生為一堂諸君之意大不為然洪萊仙言頗激烈此事
恐作罷論余謂今日於合羣之道聯之誠是以之處年長之
生則可以之處年少學徒則不可何則幼弱諸生血氣未定
頑要誠其本性且道路隔遠行步頗艱又合必人多恐無
廣濶院堂以安之何所見之不及也彼倡此議者曷免招譏
向晚始散吳伯屏代余向陳介石孝廉

徽宸

處購來新世

界學報一份已寄到第一二期共二冊宵過西北醫局與饒

翼臣李松琴薛玉坡洪中英姜嶽仙管杏浦坐談至三鼓

十二日己朝微雨全鄭一山登西峴山閣拜文昌帝君本年值

祭歸趙心泉家因趙君物化已久之嗣承繼其戚許雨帆先生代為備辦時閣前白芙蓉盛開手折二朶章味三見而乞之因以為贈午晴在許家飲席散迴館抄青邱集缺幅宵全友樵內弟家粹琪朱漢綸過比鄰數家議捐濬河費用在縣役季祥處阻雨至更深始歸

十三日^庚午朝雨在館校閱唐九成宮醴泉銘歐帖余家藏此帖中有七顆印章一為漁洋山人珍玩二為錢載三為王澐虛舟二印四為戴印衢亨蓮士珍藏二印五為煦齋鑑賞六為林曾觀四字上一字係紙面破損不能致辨所校為黃中笈侍郎藏本字畫甚明無一字缺失余之藏帖較彼

模糊中缺四十餘字適孫君仲愷來邈渠評定真贋謂黃帖係翻本以板摹之我帖係原本石刻兩相計較真有奴婢夫人之別矣非謂印章誌古實從筆法中窺出妍媸余聆其語愈愛之不釋手夕校閱褚雁塔本閱節本秦史季芃代向宋平子索來求志書院留別諸生詩一冊宵全李友樵內弟朱漢綸周子敬姻丈向各鄰舍派捐特欲濬後門小渚也

十四日^辛未晴朝在館抄高青邱集缺幅日午訪鄭一山其尊人峻甫先生自閩省呂文起大令任所歸相叙寒暄談頃遂回家丁田夏佩哥來謂軒兄欲邀余去一談即隨鶴坡舅父

穉菊表弟出東郭乘舟而往抵其家已暮宵與母妹全坐
共話至夜半

十五日申晴朝在丁田妹丈家萱堂近日過于勞動腹中
作痛恐腎氣未安也卧榻終日家紀送到三次道課題目

釐加稅得失論 西政西教有釋放之說行諸中國
有無流弊試申言之 萬物並育而不相害二句宵深慈母腹痛未平

隨母倚枕旁卧寸衷滋慮輾轉難安

十六日酉晴朝起問護堂安腎氣猶未復元心中納悶全

秀珏來訪軒兄談頃隨鶴坡舅父與穉菊表弟乘舟返

中途聞永邑中式者張之絳樂清黃式蘇王佑宸瑞安項

方經林紹年李炳光惟泰邑則周 副車一人說者謂

項李二人藉孔方兄之力倖獲一第者噫世風不古賄賂

盈途鄙何如之午後訪鄭一山往館抄舊作論潦草作就

四書義一篇附尾薄暮寄郡宵過陳丹卿家以渠前日抱

西河之慟往慰藉之轉訪趙羽儀妹丈友樵內弟遇葉雲村

十七日卯晴遣僕李安全往丁田問慈母安在館作邑觀風

四書義一篇 題中庸不可能也 嫌太沈腐棄之宵看四書滙參

十八日亥晴晨往陶尖殿賀壽本係朔日誕祝以前番疫氣

盛行故展期至今也遇章味三孝廉在館另作四書義一篇

卓午脫稿夕錄近作詩薄暮遣僕送贈味三為渠有粵東

之行明早啓程承囑錄奉宵初李友樵內弟過訪

十九日丙子晴在館改孫德鴻延春未任小課作論題漢唐宋明黨人合論

宵始完篇自嫌布局未見團緊且篇幅長冗姑存之待為刪改

二十日丁丑晴在館改孫德鴻延春未任小課宵改削昨作論

欲完壁而未果

廿一日戊寅晴朝在館改德鴻延春未任小課午後潘震炯

過訪在家刪改黨人論頗費精神至暮未定彙繼之以燭

然至此三易稿矣

廿二日己卯晴早起全僕步行往丁田張震軒妹丈家迎母日

三竿始造其廬訪晉三族兄談久仍回軒兄處吃午飯遂隨母

乘舟而返宵訪鄭一山明經

廿三日庚辰陰雨霜降節先伯父生長終日在家作論題宋不亡于金而亡于元

至申後脫稿自恨用意太枯窘姑暫存之宵霽作書後一

篇題赫胥黎天演論書後

廿四日辛巳晴在館改許德窩觀風卷宵另作論一篇頗有頭

緒至四鼓成篇

廿五日壬午晴在館改許德窩觀風卷宵初訪鄭一山更深疎

雨閱陳文節公年譜

廿六日癸未陰旋晴在館作策問題陳止齋蔡行之皆一代名儒或云蔡之學過于其師然否試詳言之至

暮脫藁自館中歸聞伍鳳樓表伯朝光于昨夜辭世今晚大

殮寶滋表弟遣人來報余不勝驚訝晚飯後天降甘霖遂

冒雨至其家送之三漏下歸改潘震炯觀風卷

廿七日卯晴熱早起代趙羽儀寫函向軒兄借銀遣陳粹琳往丁田并托帶觀風卷送九里交潘震炯在館接到新民叢報第十七冊作書後前篇贈許德窩薄暮袖近作托鄭君一山抄之宵深聞雷潤色本日所作論其夜雨

廿八日乙酉陰高堂壽日在館改德窩觀風論葉耕經過訪宵作論題算法古疏今密古拙今巧論原本為吳幼蓮以算術粗成之余嫌其

無文彩恐難耀目故加意潤色然于此道未洞澈至夜午未完篇

廿九日丙戌先曾大父生長先大父忌日早起續成夜作論送山

兄抄之已刻雨在館閱新民叢報夕陰改孫德鴻延春小課薄暮過鄭君處檢還草藁宵倦眠早

十月朔日丁亥晴在館抄青邱集缺幅酉刻日食宵閱新民叢報

初二日戊子晴朝在館代伍寶滋表弟作挽父聯語懸之影堂其語云勉為禮義勉為廉恥孝悌尤植人之根過庭恒領親言遺訓未敢忘願肯構堂慰先志倉無儲粟囊無積貲清貧本吾家所樂啜菽多虧侍奉傷心遽失怙何堪苦塊泣餘生午刻遼山兄一揮之夕閱新民叢報宵過趙羽儀家一譚

初三日^己晴在館閱新民叢報宵王小雲先生之孺人來謂
門人卓仁之婦遺腹生男一胎堪延直同碩果但自嫌福薄
欲拜余為義父作**寄人籬下**之計情不能却允之是夜義
倉局值宿

初四日^{庚寅}晴早晨自義倉局歸楊家橋人葛森槐送祖穀
至往館抄高青邱集缺幅前林晉山兄來宵與周曉秋眉
仙姜嶽仙在義倉局坐談聞雨敲簷丁丁有聲遂歸
初五日^{辛卯}朝雨在館改延春小課午刻王家送物來拜即
備餅果暨茶飯答之夕陰改德鴻小課薄暮訪鄭一山宵
過李玉君表弟家知仙峽周錫明表弟過疾遂至不起中

心駭然歸閱春在堂集小浮梅閒語

初六日^{壬辰}陰在館閱新民叢報孫叔蘊來訪宵閱李五峯
集

初七日^{癸巳}朝陰在館招匠修髮夕晴代伍寶滋表弟寫
謝帖遷徐老真彙釘政書輯要宵訪家碎柶開明大宗
洞地方田畝坐段并祖穀額數過義倉局與姜嶽仙
彭耀卿坐談頗久

初八日^{甲午}大晴朝偕陳粹琳乘舢板往洞地方收租午
後始抵岸寓楊賓禮家飽餐一頓往小埠佃家稱租今秋
稻田薄收不論肥磽均以減少為辭頗費唇舌宵在楊君

筱玉鏡蓉家過宿談至夜半

初九日乙晴立冬節終日在

洞各農家稱來租穀乙千

二百廿九斤又折租英洋乙元計穀九十斤申後雇舢板船與

西門李華同載而歸已上燈時所稱之穀過自秤計乙千乙

百零六斤中間短少乙百廿三之數宵過李玉君表弟家一談

初十日丙晴在館改德鴻延春小課午刻伍表伯二七期寶

滋表弟以妹丈胡德潤祭真邀余全梅荃作贊禮也飲酒

至申刻始到館宵過鄭一山處一談

十一日丁晴在館改許德窩憲課午後丁田人來作函覆

軒兄潘震炯來談全伍梅荃兄訪廖鰲暨陳瓏均不遇為

吏表弟寶滋之托欲渠出名收集同門真儀也宵訪山兄訂

明日上郡之約

十二日戊陰朝在館代許价軒作祝虞价宸六十壽詩夕

騰清積年郡城中東書院膏伏單薄暮全鄭一山暨其

門人友龍出東門覓夜航船晉郡因阻雨而未果過趙

妹文家一坐

壽虞价宸先生六十

蟠桃佳會聚仙班花甲初周豁笑顏紅杏當年留董

樹公精岐黃術凡往診而愈者無分貧富概不受謝紫芝今日詠商山羽毛濟美推雛

鳳詰嗣博卿世兄以己亥科遊鑿宮煙水寄身伴白鷗公世居江上有隱者風祖德可能

媯泖繼階蘭輝映彩衣斑

十三日^亥雨在館改德鴻小課閱節本泰西新史攬要

宵作中東縣課題授之以政三向義至四鼓脫稿

十四日^{庚子}晴熱晨過鄭一山處約為合作以山兄遇寒不

適未能操觚往館改延春小課潤色夜間所作經義宵李

彬臣玉君昆仲過談作論題才為世生器為時出天明始完

篇

十五日^{辛丑}雨朝訪鄭一山寒疾已退出課作托抄往館



溫州

溫州府 文 館

續

富

國

策

朱

益

藩

題

籤

陳

晚

叔

四

九

五